

ASO LULA, 20 IANUARI 2015

Na tauaofia le Fono Aoa'o Faifulafono i le itula e 9:00 i le taeano e rusa ai ma le Polokalame o Fonotaga a le Palemene 2015.

Na nofoia le Nofoa e le Fofoga Fetala'i i le itula e 9:00 i le taeano.

Tatalo.

MALELEGA MAI LE AO O LE MALO

Na fofogaina e le Fofoga Fetala'i le Malelega mai Lana Afioga Mamanu, O Le Ao o le Malo.

“TUSI mo:

Le Fofoga Fetala'i:

E tusa ai ma le Mataupu 59 o le Faavae o le Malo Tutoatasi o Samoa faapea Tulafono Tumanu 95 a le Palemene ua tuuina atu nei le malelega i le Fono Aoa'o Faifulafono na te iloiloina ai le Tulafono Tau Faaofi ua faaalila iinei:

1. Tulafono Tau Faaofi o Teuteuga o le Tulafono o le Faaputugatupe mo le Lumanai Manuia o Tagata 2015.

TUUINA ATU i lou nei Lima i lenei aso 19 o Ianuari i le tausaga 2015.

**(Sainia): Tui Atua Tupua Tamasese Efi
O LE AO O LE MALO.**

FOFOGA FETALAI: E manatu o lea ua atoa tagi le paia ma le mamalu o le Maota i lenei taeano fou i le afiifo mai ma le tala mai o aao o le paia ma le mamalu o le Palemene i ona tulaga faalupe, i le afiifo mai o Afioga i sui usufono mamalu o le Palemene aua o outou lava o sui usufono filifila o itumalo taitasi o lo tatou atunuu. O le paia lava lea aua Samoa aao i ona tulaga mamalu ma ona paia saoo. O le paia aua Aiga ma a latou Tama, o Tama ma o latou Aiga, le Usoga a Pule ma Tumua, Itua'u ma Alataua, Aiga i le Tai ma le Vaa o Fonoti.

Tuuina atu o Pepa

Le Afio o lau Afioa i le Taitai o le Malo ma lau Kapeneta, aemaise lau Afioa i le Taitai o le Itu Agai ma sui usufono mamalu uma o le Maota Fono i lenei taeao. E ofo alofa atu ma faatalofa atu i ona tulaga aloaia. O lea ua tatou toe potopoto faatasi i le uluai aso lenei o a tatou galuega, e momoli atu le agaga faafetai ma le faamalo. Sa tatou vao eseese i nai masina ma nai aso ua tuanai atu ona o a tatou faiga malologa i le faamanatuina o le toe soifua mai o le Pepe Fou aemaise o lo tatou alo atu i le faamanatuina o le aulia mai o lenei tausaga fou ua tatou taunuu i ai ma le manuia. Ua faamato atu le onosai ma le faapalepale i le paia ma le mamalu o lo tatou Maota.

E faapea foi ona faapai atu i le tapuaiga leleoa a Lana Afioa Mاملu, O Le Ao o le Malo ma le Masiofo, le Sui o le Fono a Sui Tofia ma le Masiofo, le paia maualuga o Samoa i ona tulaga faalupe i le pule mamalu a alii ma faipule, aemaise faletua ma tausī, saoa ma tamaitai, le loaloa o lo tatou atunuu i malosi o nuu i aumaga o lo lo tatou faia faiva alofilima aua le anavatau i le tautuaina o lo tatou atunuu i ona vaega eseese.

E faatalofa atu foi i lenei taeao i le affio ma tala mai aao o alii ma tamaitai o Faauluuluga o Matagaluega ma Faalapotopotoga a le Malo ua tatou mafuta i lenei aso. E talitonu le faamoemoe o lea ua sagatonu lau o le fō ona ua taatia i lagatonu a tatou polokalame mo lenei Aso Fono aua le Tala Faatatau Faapoopoo o Tupe.

TUUINA ATU O PEPA

Na tolaulauina e le Failautusi Pepa nei ua faataatia i luga o le Laulau a Fono e tusa ai ma le T.T.48.

1. P.P.2014/2015 Nu.180, Lipoti Faaletausaga a le Faletupe o le Atinae o Samoa 2014.
2. P.P.2014/2015 Nu.181, Lipoti a le Komisi o le Toefuataiga o Tulafono a Samoa i le Tulafono o Faamasinoga 1961, Lipoti Mulimuli 03/11.
3. P.P.2014/2015 Nu.182, Lipoti a le Komisi o le Toefuataiga o Tulafono a Samoa i le Tulafono o Manaoga Faavae ma le Puipuiga o Tamaiti – Lipoti Mulimuli 11/13.
4. P.P.2014/2015 Nu.183, Lipoti Faaletausaga a le Pulega o Fale ma Malae Taalo a Samoa mo le Tausaga 2012/2013.
5. P.P.2014/2015 Nu.184, Tali a le Malo i le P.P.2013/2014 Nu.127, Lipoti a le Komiti o Tupe Maua ma Tupe Totogi i le P.P.2012/2013 Nu.38, P.P.2012/2013 Nu.39 & P.P.2012/2013 Nu.40, Faamatalaga o Tupe a le Malo mo Tausaga Faaletupe Faaiuina aso 30 Iuni 2008, 30 Iuni 2009 & 30 Iuni 2010.
6. P.P.2014/2015 Nu.185, Tali atu a le Malo i le P.P.2013/2014 Nu.56, Lipoti a le Komiti mo Ofisa o le Palamene i le P.P.2013/2014 Nu.12, Lipoti a le Pule ma Suetusi Sili i le Fono Aoa Faifulafono mo le Tausaga Faaletupe faaiuina aso 30 Iuni 2010 ma le 30 Iuni 2011.

TUUINA ATU O LIPOTI A KOMITI FILIFILIA

Na tolaulaina e le Filautesi Lipoti a Komiti Filifilia nei ua faataatia i luga o le Lauina a Fono e tusa ai ma le T.T.51.

1. P.P.2014/2015 Nu.186, Lipoti a le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa i le P.P.2014/2015 Nu.92, Lipoti Faaletausaga a le Komisi o le Toefiataiga o Tulafono a Samoa mo le Tausaga Faaletupe 2012/2013.
2. P.P.2014/2015 Nu.187, Lipoti a le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa i le P.P.2014/2015 Nu.123, Lipoti Faaletausaga a le Matagaluega o Faamasinoga ma le Fafoeina o Tulaga tau Faamasinoga mo le Tausaga Faaletupe 2012/2013.
3. P.P.2014/2015 Nu.188, Lipoti a le Komiti o Mataupu tau Faamasinoga, Leoleo & Falepuipui ma Faamasinoga o Fanua & Suafa i le P.P.2014/2015 Nu.11, Lipoti Faaletausaga a le Matagaluega o Faamasinoga ma le Fafoeina o Tulaga tau Faamasinoga mo le tausaga faaletupe 2011/2012.
4. P.P.2014/2015 Nu.189, Lipoti a le Komiti o Tupe Maua ma Tupe Totogi i le Tala Faatatau Faapoopo Muamua o Tupe Maua ma Tupe Totogi a le Malo o Samoa mo le tausaga faaiutina aso 30 Iuni 2014.

LAFOLA LE KOMITI O GALUEGA, TULAFONO TUMAU, MAOTA FONO MA MATAUPU TAU FAIGA PALOTA

FOFOGA FETALAI: Tulai mai le Afoga i le Sui Taitaifono o le Komiti.

Tofa AGAFILI PATISELA ETEUATI TOLOVAA (Sui Taitaifono, **Komiti o Galuega, Tulafono Tumau, Maota Fono ma Mataupu tau Faiga Palota**): Lau Afoga i le Fofoga Fetalai, ae ou te i faatutina le lafo e muamua ona ou fafetai atu i le talosaga molimoli i lenei taeao, e faafetaia ma sula ai le alofa ma le agalelei o le Atua i Lana puipuiga ma Lana taitaiga i le soifua ma so matou ola ua tatou aulia mai ai le uluai Fono o lenei tausaga. E faatalofa aloaia atu foi i lau Afoga i le Fofoga Fetalai, faapea foi le Taitai o le Malo ma le Aiga Kapenera, le Taitai o le Itu Aegai faapea sui usufono mamalu o le Fono Aoso Faitulafono a Samoa.

E faatalofa atu foi i le Ofisa o le Fono faapea Faaulutuluga o Matagaluega ma le mamalu o Samoa ua potopoto i lenei taeao. E faatalofa aloaia atu foi i le faafogafoga tapuai a Lana Afoga Mamalu O Le Ao o le Malo ma lau Masiofo, seia oo lava i se toe tagata o faafogafoga mai i le Fonotaga i lenei taeao. Ua malo le pale; ua malo le folau.

Lau Afoga i le Fofoga Fetalai ua ou tulai atu e faatu le lafo, *Ina ia faamaonia e lenei Fono Aoso le Polokalame o Fonotaga mo le Tanoafigaga o le 2015/2016 ua tuuina atu iinei e pei ona faamaonia e le Komiti o Galuega, Tulafono Tumau, Maota Fono ma Mataupu tau Faiga Palota.*

Lafu a le Komiti o Gagluega, Tulafono Tumau, Maota
Fono ma Mataupu Tau Faiga Palota

<i>Masina</i>	<i>Aso</i>	<i>Masina</i>	<i>Aso</i>	<i>Masina</i>	<i>Aso</i>
<i>Ianuuri</i>	20	<i>Me</i>	26	<i>Novema</i>	17
<i>Fepuari</i>	17	<i>Iuni</i>	9	<i>Tesema</i>	15
<i>Mati</i>	17	<i>Aukuso</i>	18	<i>Ianuuri 2016</i>	19
<i>Aperila</i>	21	<i>Oketopa</i>	20		

Ma lou faaaloalo lava.

E le i faalucaina le lafo.

Na faamaonia le lafo ma faamaonia ai le Polokatalame o Fonotaga a le Fono Aoa'o mo le Tauaofitaga o le 2015/2016.

**TULAFONO TAU FAAOFIO LE FAATATAUINA O TUPE
FAAOPOOPO (NU.1) 2014/2015 – felafolafoaiga i luga o le
faitauga faalua**

FOFOGA FETALAI: E tusa ai ma Tulafono Tumau o le a faagasolo nei loa felafolafoaiga i luga o le faitauga faalua o le Tulafono Tau Faaofi o le Faatatauina o Tupe Faaopoopo (Nu.1) 2014/2015. O le avanoa lenei o sui usufono e saunoo ai i tulaga tau tupe ma le tamaoaiga o Samoa faapea faiga faavae tau tupe a le Malo.

Ou te avatu foi fautuaga i sui usufono, e le tautalagia i le taimi nei mea taitasi o le Tulafono Tau Faaofi. Ua maea ona outou tulei saunoo i le Tala A'utu o Tupe, e fautuaina faatoo saunoo i mea taitasi o le Tulafono Tau Faaofi i le taimi o le iloiloaga auiliili pe a maea felafolafoaiga i luga o le faitauga faalua, ae agai pea saunooa i tulaga lautele o le talanoaina o le Tulafono Tau Faaofi ina ia malamalama ma atoatoa e pei ona tuuina mai ai le Tulafono Tau Faaofi i luma o le Lauilau a Fono i le masina ua tuana'i atu.

O le avanoa lenei mo se sui usufono muamua e fia saunoo. E 30 minute avanoa, a o le a lafo atu i le paia ma le mamalu o le Maota Fono mo se sui usufono e amataina lenei taeao fou.

Tulai mai le sui usufono mo Faasaleleaga Nu.2, Susuga Papalii Lio Faavaivaioanu Taeu Masipau.

Susuga PAPALII LIO FAAVAIVAIOAMANU TAEU MASIPAU
(Faasaleleaga Nu.2): Faafetai lava i lau Afoga i le Fofoga Fetala'i mo le avanoa. E auai faatasi foi lenei usugafono i le viiga ma le faafetai ua siitia e lau Afoga i lenei taeao fou aua le agalelei o le Atua i le taitai manuia mai o le Palemene o Samoa i lenei tausaga fou aua le toe faaauauina o ana galuega.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faafua**

E momoli atu foi le faafetai i lau Afioiga i le Fofoga Fetala'i aua le taitaiga o le Maota i na tausaga ua tuana'i atu seia oo mai i lenei ta'ao. Ua malo faafetai ua faamalo le galulue, e faafetai foi mo le taitaiga o lo tatou Maota.

E faafetai foi i le Palemia ma le mamalu o le Kapeneta mo galuega faafino a lo tatou Malo. E momoli atu le agaga faafetai ona ua tatou auilia mai le toe amatatia o lenei tausaga fou aua Fonotaga a le Palemene; ua faamalo le galulue. Ua faafetai i lau Afioiga i le Palemia ma le Kapeneta mo galuega aua le atia'eina o lo tatou atunuu.

E fia momoli foi le faafetai i le Taitai o lenei Vaega Faaupufai ma lenei foi I'u. O fautaga foi e avatu i lau Afioiga i le Palemia ma le Kapeneta, e talitonu lava o lo o i ai ni o matou sao po o ni sao o le Vaega e Agaia le Malo aua le atia'eina o lo tatou atunuu.

E fia momoli foi le agaga faafetai i le Failautusi ma le aufaigaluega a le Fono Aoao mo galuega aua lo tatou Maota.

E faafetai foi i Faaululuga o Matagaluega aua o le poutu o lo tatou Malo ma le atunuu, ua faamalo le galulue.

E faatulu atu foi i le tapuaiga a le Atunuu i Lana Afioiga Mاملu O Le Ao o le Malo ma le Masiofo, le Sui o le Fono a Sui Tofia faapea foi le Masiofo, lau Afioiga i le Faamasino Sili ma le mamalu i le Faamasinoga. O le maave esese o le atunuu mai mauga tetele seia oo i mauga iti. E talitonu lava pe oo i ai se leo pe e le oo i ai, e talitonu lava e le aveesea ai outou paita ma outou sa ma outou mamalu aua e tumau lava e oo i le faavavau.

E faafetai foi i Taitai o Ekalesia ma nofo a faafeagaiga i toronu o le atunuu i a outou tatalo leleoa ma faanoano-manu, aua se manuia o le atunuu. Ua faamalo faafetai mo a outou galuega.

E le faagaloina foi si ou itumalo Faasaleleaga Nu.2, le Afio o Leliua ma le Toalima, Sa-Alataloa ma Alo o Malietoa, Tuliagi ma Namulaulu faapea foi Le na Aimalae, le Paletufuga ma upu ia te oe Safotulafai. Ua faamalo le tapuai; o lea ua toe amatatia galuega o lenei tausaga i le manuia. O le mea lea e faamalo atu ai faafetai le tapuai.

Lo'u nuu o Sapapalii i le Susu o le Malietoa i lou tala-na-atoa, o lou fala folaloe e faafofoga ia te oe Samoa. Susu foi Aiga Sa-Malietoa, le alaafafaga o Usaalii faapea foi Mago ma Luasiufanua. O le nofo a Faafeagaiga i toronu o lo tatou itumalo, faafetai, ua faamalo le tapuai. Ua faafetai tatalo, ua manuia mea uma o lo o feagai ai ma lenei usugafono ona o la outou tatalo ma la outou tapuaiga.

O se manatu i le Tala Faatatau Faaopoopo (Nu.1) o le Tupe lau Afioiga i le Fofoga Fetala'i, ua malo faafetai i lau Afioiga i le Minisita po o le Afioiga i le Palemia i le faatulai mai o le Tala Faatatau Faaopoopo o le Tupe. O lea e matau atu e \$10+ miliona le aofaiga o le Tala Faatatau Faaopoopo o le Tupe mo le vaega o totoe o lenei tausaga. Ua malo faafetai le galulue, ua faafetai foi i le Matagaluega o Tupe ma i latou uma na galulue aua le tapenaina o le Tala Faatatau Faaopoopo o le Tupe mo lenei vaega amata o le tausaga 2015.

**Tulafono Tau Faaofi o le Faataauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

I lau matau i ai i le Tala Faataau o le Tupe, o lo o i ai se vaegatupe e \$2.58miliona, peiseai o le tupe lea e matau atu o lea e faatupe ai le tatou Tala Faaopoopo o le Tupe totoe mai i le Fonotaga lea o le SIDS. E faafetai, faafetai o lea e maua o lea ua totoe lea vaegatupe tele, o lea foi ua fesoasoani mai i le tatou Tala Faaopoopo o le Tupe. Ae e i ai lava sina vaega lea ua maua foi i sau sailiiliga, e talitonu lava o lenei tupe na pasia aloaia i totonu o le Palemene mo le faatinoina o galuega uma lava tau le SIDS, ae ua matauina o lea ua faamalieina uma lava ia le tele o Matagaluega ma ua i ai uma foi vaega uma ua tuuina i ai, a o lo o matauina, o le Matagaluega lea o Leoleo, ua maua sa i ai le latou talosaga na tuuina atu aua o latou alauni i aso ia e 16 sa galulue ai le Matagaluega o Leoleo. E le tau avatua foi i luma o le Palemene lea tulaga, a o se agaga e lagona ai foi le alofa, o lea ua matau atu ua toe faafoi lenei seleni tele a o lea e matau atu, e le i totogina ia alauni o le Matagaluega o Leoleo i aso ia e 16 sa galulue ai.....

Susuga Hon Tuilaepa Fatialofa Lupesoliai Aiono Neioti Sailele Malielegaoi (Palemia): Lau Afioga i le Fofoga Fetalai o se mea e fia faasao.

FOFOGA FETALAI: Malie le sui usufono, se i tulai atu le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Ua uma ona totogi alauni ia. O le mafuaaga na tuai ai, e i ai vaega sa fesiligia e le Matagaluega o Tupe, ia ae avatu i le leoleo o ia lea i le ofisa lea e nafa ma le faamalalamalama o mataupu ia sa fia malamalama ai le Matagaluega o Tupe, e tolu lelei lava masina o la e nofonono ai lava e le i talia maia.

O le tulaga lena o lea foi sa oo mai ia te au ma ou faatonuina ai e vave tali mea ia na avatu e le Ofisa o Tupe fesili leaga o fesili e taua. E ala ona ave fesili na, ona e i ai le tulaga taua o le Matagaluega o Tupe i le puipuiga o tupe a le Malo. O le tulaga lea ua uma, e leai se mea e te popole ai, ua uma ona totogi.

FOFOGA FETALAI: Ia o lea ua tuu atu le faamalalamalama lau Afioga i le sui usufono mamalu. Tulai mai e faaauau le saunoaga.

Susuga PAPALII LIO FAAVAIWAIONANU TAEU MASIPAU: Ia nei i te i ua ma fetalai ma le Afioga i le Palemia, leai o lea ua uma ona totogi ia leoleo foi ia e le o ni leoleo tumau, a o leoleo o la e tumau i le taimi nei, ia ou te talitonu ailoga o maua e lau Afioga, e le i totogina i le taimi lenei, mo le silafia e lau Afioga i le Palemia.

FOFOGA FETALAI: Tulai mai lau Afioga i le Palemia.

20 IANUARI 2015

**Tulafono Tau Faaofi o le Faatatauina o Tupe Faapoopo (Nu.U.)
2014/2015 – felafolafolaiga i luga o le faifauga faalua**

Susuga Hon Tuilaepa Fatiafofa Lupesoliai Alono Neioti Saitile Malielegaoli: Lau Afioaga i le Fofoga Fetala'i, ua uma foi ona ou manaina le faaaliga i le tulaga lena, o le pau o le Matagaluega. O lea foi la ua ave le mataupu i totonu o le Kapeneta e tapa ai le Matagaluega o Tupe e tofogi tupe ia ma le auata e fai ai, e i ai le mea lea e tupu e tele lava ina faitioha le Malo i mea faapenei, e i ai ia faaululuga e le o tilotilo lelei ma malamalama lelei i mea o faatonuga, a o faatonuga ia a le Kapeneta ua uma ona fai, na fai i le tausaga le ia, e faatino mea ia o alauni o leoleo ia sitaaga o leoleo ia e te taua, e le toatele ni leoleo, o lea e tau maua atu pe na o le toafa ca leoleo e aafia i le mea lea. O lea ia ua uma ona fai i ai le faatonuga e faatino le luga a le Kapeneta ua leva ona avatu. Na ala ona ou iloa, ona ua apili sao mai lava ia leoleo ia te au, o le ala lena na ou iloa ai.

FOFOGA FETALAI: E manatu ua malamalama lau Afioaga i le sui usufono mamalu, e manatu ua malamalama le tulaga i lou atugaluga i tofogi o leoleo o lea ua maua o la ua fai.

Susuga PAPALII LIO FAAVAIVAIOMANU TA'EU MASIPAU: Lau Afioaga i le Fofoga Fetala'i faafetai o lea ua maua, e le o silafia e le Palemia le mea lea e tulai mai i le vaega tonu lava lea.

FOFOGA FETALAI: Tulai mai lau Afioaga i le Palemia.

Susuga Hon Tuilaepa Fatiafofa Lupesoliai Alono Neioti Saitile Malielegaoli: Lau Afioaga i le Fofoga Fetala'i, o lea ou te talanoa atu i mea tusitusia, a o mea na e te sau ai o mea faalogo. Se o le mea lena e leaga ai tatou, o le faalogo loa i le tala, oso, o lea ou te talanoa i mea tusitusia ua uma ona aumai i luma o le Kapeneta ma ua uma ona fai i ai le luga a le Kapeneta ae le i faagaioia lava. O le tusi la a latou ia na aumai, se faamolemole Tuilaepa ua matou sulu atu ia te oe ua leai se isi matou te agai i ai. Ona ou aveia lea i le Tribunal se i siaki mea ia, ae aumai le latou tali, e sao leoleo ia. O le luga a le Kapeneta ua uma ona fai ae le i faatinoina.

Lau Afioaga i le Fofoga Fetala'i, o lea ou te talanoa atu i mea tusitusia ua oo mai i le Kapeneta ma au nei. Ae o le mea lea e leaga ai outou, tou te o i tua faalogologo, faitatala. Ua iloa le mea o le faalogo tala, o lea foi e havea ai le Taitai o le Itu Agai, o le pa oso, pa oso.

Afioaga Hon Palusalue Faapo II (Taitai o le Itu Agai): Lau Afioaga i le Fofoga Fetala'i.....

FOFOGA FETALAI: Se malie ia le Taitai o le Itu Agai, o lea foi o le a amata le taeso.....

Afioaga Hon Palusalue Faapo II: Leai ona ua taua au, lau Afioaga, ma le faaalalo lava.

Tulafono Tau Faaofi o le Faatautaina o Tupe Faaopoopo (Nu.I)
2014/2015 – felafolafoaiga i luga o le faitauga faalua

FOFOGA FETALAI: E le o ni tau fou, ua leva ona tau lou suafa mamalu i taimi uma.

Afioga Hon Palusalue Faapo II: Leai o le mea lea e taumafai atu ai lenei itu, e omai leoleo ia matou pe a le faia e lau Afioga.

FOFOGA FETALAI: Ia.

Afioga Hon Palusalue Faapo II: O leoleo ia na galulue i uta i le SIDS lea e fai atu ai. E le i faia se totogi.

Susuga Hon Tuilaepa Fatialofa Lupesoliai Aiono Neioti Sailele Malielegaai: Lau Afioga i le Fofoga Fetalai, o le mea e fia faasao. O ai la leoleo ia na o atu? O ai la leoleo ia na o atu?

FOFOGA FETALAI: Se malie Palusalue.

Afioga Hon Palusalue Faapo II: Se ou te musu e tau atu ne i e tulia. Ioe.

Susuga Hon Tuilaepa Fatialofa Lupesoliai Aiono Neioti Sailele Malielegaai: Afai e o atu ia outou, ia o ane i ai ia Palu, o le a le latou mea e maua atu ia Palu?

Afioga Hon Palusalue Faapo II: O alauni ia e talanoa atu ai, ae le o le siitaga o totogi.

FOFOGA FETALAI: Malie le Taitai o le Itu Agai.

Susuga Hon Tuilaepa Fatialofa Lupesoliai Aiono Neioti Sailele Malielegaai: Lau Afioga i le Fofoga Fetalai, leai leaga e taua mea ia, aua le aumaia tala pepelo i totonu o le Maota, aua le.....vaai le....e oo foi i le Tulafono lea.....

Afioga Hon Palusalue Faapo II: E le o ni tala pepelo lau Afioga, o ovataimi o leoleo, o ovataimi o leoleo lea ou te talanoa atu ai.

FOFOGA FETALAI: Malie le Taitai o le Itu Agai.

Susuga Hon Tuilaepa Fatialofa Lupesoliai Aiono Neioti Sailele Malielegaai: Palu, na o le pau lava le mea lea e faavae ai au faaiuga o le faalogologo tala, faalogologo tala, tuu le mea lena o le faitatala, aua e le maua ai-se-mea-amiotonu.

FOFOGA FETALAI: Malie le sui usufono mamalu, o lea ua maua le mataupu....

20 IANUARI 2015

**Tulafono Tau Faaofī o le Faatatauina o Tupe Faapoopo (Nu.1)
2014/2015 – felafolafoalga i luga o le faitauga faalua**

Afioga Hon Palusalue Faapo II: O le mea lea e fia faasao atu lau Afioga, e le o totoigi o leoleo o ovalaimi o leoleo lea ou te fai atu ai, o ovalaimi o le galuega lea na fai i uta i le SIDS.

FOFOGA FETALAI: Le Taitai o le Itu Agai, e fautuaina le sui usufono mamalu e see ese ma totoigi o lea ua malamalama ua uma ona totoigi leoleo, agai lau saunoega i isi mataupu o le tatou Tala o le Tupe le sui usufono mo Faasaleleaga Nu. 2.

Susuga PAPALII LIO FAAVAIVAIOMANU TAEU MASIPAU: Ua lelei faafetai, o le mea sili ona taua, ou te iloa o lea o le a fai, aua o le mea moni lava ia, o lo o.....

Susuga Hon Tutiaepa Fatiaofa Lupesoliai Aiono Neioti Saitele Mallelegoii: Lau Afioga i le Fofoga Fetalai, se o le mea lava lea e fia faasao. E na o le toafa lava leoleo ia e le o ni mea e faasino i le SIDS, a o le tulaga lava ia i le SIDS, ua uma, lea na ou tau atua, e fai totoigi ia e le i faia le Lotu Tamaiti. O e manatua le Lotu Tamaiti? O Oketopa i le Aso Sa lona Iua, e fai la e le i faia le Lotu Tamaiti. Ia se i vaai ua leva ona uma. Oketopa, Novema, Tesema, Ianuari, se talanoa i ni mea fou.

FOFOGA FETALAI: Ia tulai mai le sui usufono mamalu. See ese ae faaauau le saunoaga i nisi mea o lea ua manino le mataupu na i ai le atugaluga:

Susuga PAPALII LIO FAAVAIVAIOMANU TAEU MASIPAU: Ia lelei lau Afioga i le Fofoga Fetalai, o le a ou see ese ae ou te le i malie. O lea e faafofoga mai le Afioga i le Ministia e \$75 le alauri o leoleo uma lava na galulue i le SIDS i le aso, o lea e le i totogia. O lau tala lea i luma o le Palemene.....

FOFOGA FETALAI: Malie o lea ua taatia i le agatonu le.....

Susuga Hon Tutiaepa Fatiaofa Lupesoliai Aiono Neioti Saitele Mallelegaai: Lau Afioga i le Fofoga Fetalai, ua uma ona totoigi ia latou o leoleo ia. E manatua foi, sa fai feutanaiga ma faatulaga ai totoigi o latou. E i ai ia fesili sa manomia e le Matagaluega o Tupe i mea tonu lava ia sa talanoa ai. Se o le mea lea ou te fai atu, a avatu mea o lea e fai e le Malo, ona gauai mal lea, ae le o le finau, finau, finau. Ae lelei ona e toe alu e aumai leoleo na e tau sao ane ia te oe ia ma ave i le ofisa, o le a o atu ia te oe e le maua ai se sao? E te le o toe komesina. Ae a oo atu ia te oe, o oe o le sui usufono o le Malo, e te avea i ai le tala sao. Ia se i vaai ua leva la ona tau atu ia oe ae sa tauau ona e afio e te talanoa i le Ministia? O le mea lena aupito amiotonu. A o lou nofonofo faatoa aumai iinei a o lea ua leva ona uma ona fofo, se tatou talanoa i ni mea fou, ae soia le lau maia mea o otaota.

**Tulafono Tau Faaofi o le Faataauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

FOFOGA FETALAI: Ia tulai mai le sui usufono mamalu.

Susuga PAPALII LIO FAAVAIVAIONANU TAEU MASIPAU: Ua lelei, faafetai o lea ua maua, e talitonu lava o lea ua aoga foi le laga o lenei mataupu, atonu o lea ua faafofoga mai foi lau Afioiga i le Minisita, e faamalulu atu i lau Afioiga i le Minisita, e leai, e le o agai i lau Afioiga po o le Kapeneta, e i ai le vaiiliu lea e mafua ai, ia ae lelei o lea ua faafofoga mai le Matagaluega, o lea foi ua faafofoga mai lau Afioiga i le Minisita, masalo na oo atu i lau Afioiga le tusi a le Matagaluega ma tulaga ina ia faamanatu atu ai le vaega lea, ae o le agaga lena o lea ua avatu ona ua toe faafoi lenei seleni tele ae le faauma ai ia mea, ae ui i lea, faafetai i lau Afioiga i le Fofoga Fetalai.

Ona ou see mai ai lea i le Matagaluega o Tupe tusa foi o le seleni fuafuaina. Ia faafetai o lea e matau atu, o lo o i ai foi le vaegatupe mo le tatou malae vaalele, e talitonu, o le malae vaalele lava ia e tatau ona faaleleia, leaga o i e toai i ai ia tatou malo ma atunuu mai fafo. A o le fesili lava ia a lou sui usufono, leaga o le tasi lea Faalapotopotoga tau Fefaatauaiga a le Malo po o le Public Trading Bodies. O le a se taimi e i ai se sao o le tatou malae vaalele i le tatou Tala Faataatau o le Tupe ma fesoasoani i le tatou Tala o le Tupe? Ia o lau lea fesili. O lou lava sui usufono, leai e talitonu foi a o faafofoga foi le Pulega, o le agaga lava ia pei ona faatulai ai a tatou Faalapotopotoga tau Fefaatauaiga a le Malo, o le fesoasoani. Ia a o le fesili lena, o le a se taimi ma se ituaso e maua ai se fesoasoani ma se sao i totonu o tatou tupe aua le faatupeina o tatou atinae?

Ona ou oo mai lea i le Tupe Faataatau i lalo lava o le Matagaluega o Tupe. O lo o maua o lo o i ai se vaegatupe mo le faatupeina o ofisa o Minisita Lagolago e toalua. O lea e matau atu, o le fesili lava a lou sui usufono, pe o ni Minisita Lagolago fou pe o Minisita lava ia sa i ai ae ua toe fesuai? A o le fesili, e faapefea ona faatupe a latou ofisa sa i ai muamua, a o lea ua toe aumai i le Tala o le Tupe, e peiseai o ni Minisita Lagolago fou, ae leai o Minisita Lagolago o tatou lava nei na omai i le Paeaiga o lea lava tatou te i ai? Pei o le agaga lena o lau tilotilo ma lau vaai, pe aisea ua faatupe ai ia ofisa fou a Minisita Lagolago fou ia?

Ona ou oo mai lea i le Matagaluega o le Punaoa Faanatura ma le Siosiomaga.....

FOFOGA FETALAI: Tulai mai lau Afioiga i le Palemia.

Susuga Hon Tuilaepa Fatialofa Lupesoliali Aiono Neioti Sailele Malelegaoli: Lau Afioiga i le Fofoga Fetalai, ia ou te ofo i lea mea, o le matua faigofie lava. A sui loa Minisita, ona sui mai lea e nofonono i tafatafa o lana ia lava Minisita, ae le faapea e sui Minisita i lalo o le isi Minisita ae saga nofonono lava i o i tafatafa o le Minisita tuai, vaai o le faigofie ia.

**Tulafono Tau Fasoʻi o le Faatatauina o Tupe Faapoopo (Nu.1)
2014/2015 – felafolafoga i luga o le faifauga faalua**

A o a la potu e avanoa, ia e faanoaga, e le faapea o le a le faanoaga, ae sau lava e nofonofo i tafatafa o le Minisita fou, e tatatalanoa aemaise le tele o mau galuega o lo o fai i mea e tou te fai mai ai e fai, vaai o le faigofoe ia.

Afioga Hon Palusalue Faapo II: Lau Afioga i le Fofoga Fetala'i o se mea e fia faamalamalama.

FOFOGA FETALAI: Ia se i tulai mai le Taitai o le Itu Agai.

Afioga Hon Palusalue Faapo II: E sao lelei lava le fesili lea, e \$700,000 na fai ai le Ofisa o le NPF mo Minisita Lagolago ia, e \$700,000 na alu ai i le faiga o Ofisa o Minisita Lagolago nei.

FOFOGA FETALAI: Malie le Taitai o le Itu Agai.

Susuga Hon Tuliuepa Fatialofa Lupesoliai Aiono Neioti Sailele Mallegaosi: O le mea e fia faasao. E le \$700,000 ia le tupe, ia vaai i ai, se aua e te potu e faatele, aua e te potu e faatele, ua leva ona pisa ma outou pisa ma tau mai le aofai o le seleni. E laititi lava le seleni i lene numera na e aumaia?

FOFOGA FETALAI: Tulai mai le sui usufono mo Faasaleleaga Nu. 2.

Susuga PAPALII LIO FAAVAIVAIOMANU TAEU MASIPAU: Ona ou see mai lea, faafetai o lea ua tali mai le Afioga i le Palenia.

Ona ou oo mai lea i le Matagaluega o Punaoa Faanatura ma le Siosiomaga, ia o lea e matau atu o lea ua i ai le seleni mo le faatupaina o tallgalu. Ia e leai, lau Afioga i le Minisita o au le isi sui usufono lea sa avatu foi le talosaga, ua pei ua ou tau mafanafana.

FOFOGA FETALAI: Tulai mai le Afioga i le Palenia.

Susuga Hon Tuliuepa Fatialofa Lupesoliai Aiono Neioti Sailele Mallegaosi: Lau Afioga i le Fofoga Fetala'i, ua uma ona fai lau faatonuga, e le o talanoaina le Tala o le Tupe, a o lea lava e auilifili mai lava e le sui usufono le Tala o le Tupe, o lea lava e faasolosolo i luga o le Tala o le Tupe, e le o talanoaina faatoa auilifili pe a oo ina see tatou i le tulaga faa-Komiti.

FOFOGA FETALAI: Malie le sui usufono mamalu, o lene ua e faafofoga mai, agai pea i le tulaga lautele ae aua nei auilifilia mai pei ona ou fai atu i le taimi muamua. Tulai mai le sui usufono mamalu.

Susuga PAPALII LIO FAAVAIVAIOMANU TAEU MASIPAU: Lau Afioga i le Fofoga Fetala'i, o le ala foi lene o lou taua, ona o le fatosaga a lenei tumalo o le lauga faalauaitiele, e le o faapitica.

**Tulafono Tau Faaofi o le Faataatuaina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

E moni lava la e faapitua i le taligalu, ae e leaga o le lauga faaluaitele sa taua i lau lauga i totonu o le Palemene lenei. A o lau fesili, se pei ua tau masalomia foi lau faasoa lau Afioaga i le Minisita. E i ai le isi toeaia Faasaleleaga Nu.1, fai fai lava le faasoa, ua alu alu lava ua atoa uma lava, toe lava o ia, faapea loa le tala a le toeaia, “Oi, ua le lavea foi le fanau a Soanai.” E faapena uma lava le mea lea ua ou vaai atu i ai i le faasoa a le Minisita.

FOFOGA FETALAI: Se finagalo malie le sui usufono mamalu, se i tuu atu le avanoa leaga o lea ua tuuaia le Afioaga i le Minisita e ana le faasoa. Tulai mai lau Afioaga i le Minisita.

Tofa Hon Faamoetauloa Lealaiauloto Ulaitino Faale Tumaalii (Minisita mo Punaoa Faanatura ma le Siosiomaga): Faaftetai lava i lau Afioaga i le Fofoga Fetalai mo le avanoa. E leai o le tupe lea e taua i i le Faataatuaina o Tupe Faaopoopo (Nu.1) (2014/2015, o le tupe lea i le tulaga foi lea o le afa o Evana i recovery works o le faaleleia atili. E ese vaegatupe na e te saunua i ai lea e lavea ai taligalu o itumalo eseese.

O le faamalalamalama lena o le vaega lea.

Susuga PAPALII LIO FAAVAIVAIOMANU TAEU MASIPAU: Malo, ia se i vaai la i le manaia, ua aoga foi lau fesili o lea ua malamalama ai lea vaega. Faaftetai i lau Afioaga i le Minisita, a o lena ua avatu se agaga o lenei itumalo e pei ona avatu le talosaga i lau Afioaga, sei e alofagia lenei itumalo leaga e fai si latalata mai o le aau i le gataifale o lenei itumalo faamolemole.

Ona ou oo mai lea, e i ai le vaega foi lea e taua ai o mea o vaegatupe faapitua mo i tatou foi nei, o lea e sau i i o faa-tekinisia o fanua, po o technical services. Ia te au lava ia, ou te iloa lava o fanua, o mataupu taua foi pei ona ou laga ma ou avatu i luma o le Palemene, ona o le Matagaluega a le Minisita lea e resitala ai o tatou fanua umia saoloto ma fanua foi ua lisi, fanua faaleaganuu.

E i ai lava nai faaiftaui a nisi foi o le mamalu o le Atunuu, aemaise lava, e faamalulu atu i le afioaga o Salelologa, o le tele ia o nai tagata foi e fesootai atu, aemaise lava fanua foi nei faasoa a afioaga, o le faasoa patino lava lea i le Suafa, lona fanua. Ona i ai lea o le talitonuga o lena Suafa, o lau lava meatotino, ona fai loa lea o fesootaiga ma i latou foi nei aemaise lava le aufaipisinisi, ua mananao i fanua nei e fai ai a latou pisinisi, ua mananao foi e faatau motu, ae o le faalavelave, o la e puipuia i le tatou Faavae o tatou fanua faaleaganuu, e le faatagaina ona faatau. Ae o sau fautuaga i le Malo, pe le i alagataau ona fai se isi tatou Tulafono fai se vaega foi lenei o fanua faaleaganuu, po o se category form o fanua faaleaganuu, pei la o ituiga mea faapea, o fanua o lea ua tuu atu mo le tagata lea i le taimi lenei. E tatau foi, o lo o naunau foi lea tagata ina ia maua se seleni e atiae ai lona aiga, a o se avanoa foi lea e tuu atu i le aufaipisinisi e fai ai sana pisinisi.

E pei o lau fautuaga mo le agai atu i le lumanai.

Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafolaiga i luga o le faitauga faalua

FOFOGA FETALAI: Se i onosai mai le sui usufono se i tuu atu le avanoa i le Afioaga i le Minisita.

Tofa Hon Faamoetaulua Lealailauloto Ularitino Faale Tumaalii: Faafetai lava i lau Afioaga i le Potofofa Fetalai mo le avanoa. O le vaega tonu lava lea ua saunoo i ai le Tofi, o lea e i lalo o le vaega lea o fanua faaleaganuu lea e lisi atu i tua i le tulaga foi lea o mea tau pisinisi ina ia faaaoaga fanua ia e le o faaaoaga. O le tulaga lea pei lava foi ona moni ai le saunoaga, e le o mafai ona faatau fanua faaleaganuu. O le tulaga lena o lo o i ai i totonu o le Vaega 102 o le Faavae pei ona e saunoo i ai. A o le tulaga tonu lava lena, o lea e i ai le avanoa e lisi ai fanua faaleaganuu mo pisinisi tau atinae. Ae a faapea e le mananao e o lo o i ai fanua faaleaganuu e lisi, e leai lava se tulaga e afaina ai latou ia. Ma le faaalalo lava.

FOFOGA FETALAI: Malo faafetai. Tulai mai le sui usufono mamalu e faaanau mai le saunoaga.

Susuga PAPALII LIO FAAVAIVAIOMANU TAEU MASIPAU: Malo faafetai. Na o se fauthaga mo le tatou agai i luma. O lea ou te malamalama i le taimi lenei i le Tulafono, e le o mafai, ae ona e i ai nai o tatou tagata e o atu foi e fia maua se fesosoani i se fauthaga tulaga faaletulafono, o le ala foi lea ua mafua ai ona ou laga, ona e le faatasi pe faalua, ae ua faatele ona o atu nai tagata. Masalo o lea foi e faafiofoga mai nisi i fanua fou nei e i Salelotoga e i ai se vaega lea na faatau mai e le tatou Malo. E pei o le vaega tonu lena, a o se fauthaga mo le agai i luma.

Mo se faaitaitaiga foi, a faapea o le a se finagalo o le Malo i se taimi o le a faamatuu mai fanua i afioaga mo se faaitaitaiga pe a faapea e faatino mai lena tulaga. O se avanoa foi lena e vaevae ai i aiga ma nuu, pe le o i ai se alagatatatau e fai ai se isi vaega lea ina ia faatino ai loa le faatau motu. O tulaga faapena, a o lea ua ou malamalama lau Afioaga i le Minisita i le Tulafono o lo o i ai i le taimi lenei, ae o se fauthaga mo le agai i luma, ae o lea pei ona silafia pei ona i ai le pule faamanu i le Tulafono lea ua i ai le taimi lenei, ua le toe faia, pei o le mea lea sa faatino ai i taimi ia. Ou te talitonu foi ua talafeagai le aveese o lea tulaga ona o le fuafuaga lava foi lea faamatai ma lana fanau e agai i ai, ae ou te iloa, ua talafeagai le aveese... Ae o se Tulafono ina ia aveese ai se vaega, o se vaega o fanua faaleaganuu ae le taua lava fanua ia na soifua ma ola mai ai aiga, o fanua lava na e tatou ona faatumauina pea, aua lava le sua. A o nai vaega fou ia pei ona ou faamanino atu ina ia silasila i ai le tatou Malo mo le agai i luma maua i ai se fesosoani mo le agai i luma tagata e ana fanua, a o le aufaipisinisi o fia o atu e sasaa atu tupe i aiga ma nuu e faaaoaga i ai vaega ia fanua pei ona ou taua.

Ona ou oo mai lea i le Matagaluega o Faamasinoga, ia o le lauga faalautele lava lau Afioaga i le Potofofa Fetalai, i mea ia o lea ou te vaai i ai, e i ai foi mea i le tausiga o tama, ua uma foi le tausiga o tina ma tamaiti, a o lea foi ua i ai ma le tausiga o tama latou ia.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

O lona uiga o le agaga o lau tala, a tausi se tama, o lona ia lava faatamala o le faaletonu ai ia, a le agaga ia o le seleni, se ana aumai lena seleni se i fai ai le matou fale faamasino lea i Tuasivi, o lea e afio mai le Afioa i le Minisita, e le fale faamasino faaitumalo i Tuasivi leaga o le fale faamasino lea o lea e i totonu o lou itumalo, ou te maua soo lava le le lava o le fale faamasino lea, a o le toatele o nai tagata o le matou motu i Savaii, e tele ina i fafo o le fale faamasino. O le fale faamasino foi lea e ea malulu, ae tele ina misimisi luva foi nei o la e sao le ea i fafo. E pei o le mea lea e talosaga atu ai, se i e alofa, leaga o lea e le o afio mai le Minisita o Faamasinoga, se i silasila ane i le matou Fale Faamsino Faaitumalo i Tuasivi faamolemole.

Ona ou oo mai ai lea i le Pulega i le Lauleele, tasi lenei Pulega e momoli atu ai le faafetai, ua ou matauina ma ou maua, tasi lenei Pulega o lea e i ai lo latou sao i le Tala o le Tupe. O se fiafiaga foi lea i lou nei sui usufono ona o le lelei pulea, aemaise o lea e fesoasoani mai i le tatou tupe. O le matua lagalagoina lava o lenei seleni, aemaise lava Pulega faapea o lea e fesoasoani mai, o lea e fai lona tiute aua le Tala o le Tupe.

Ae pau lava si au tatalo i lau Afioa i le Minisita, e le toe na ma le laina foi le talosaga a lenei itumalo, masalo o lea na outou maua talu ai nei le poloka o le faigalotu lea a Falealupo i le auuala laupapa lea i Sapapalii ua le oo ai se faigalotu a le atunuu atoa i se Aso Sa e le i mavae atu nei i le aualalaupapa lea i Sapapalii na poloka ai. Ua uma ona saunoa manino lau Afioa, o lea o le a faatino auuala laupapa ia ona muamua mai lava lea o Sapapalii i le saunoaga a lau Afioa.

E pei o le mafuaaga lena e tatalo atu ai, a o lea ua tutupu mafuaaga. A o le mea lava e faapopoleina ai lou sui usufono, leaga o le va o le falemai i Tuasivi ma Sateleologa e masani ona tuli mai ai e ua gasegase tigaina mo le vaa, e tele lava ina poloka i le auuala lea. E talitonu lava o le tatalo lena, lau Afioa i le Minisita, o le tatalo lena, silasila ane i le tulaga o le auuala laupapa i Sapapalii mo se fesoasoani.

FOFOGA FETALAI: Toe lua minute o le sui usufono.

Susuga PAPALII LIO FAAVAIAIOMANU TAEU MASIPAU: Ona ou oo mai ai lea i le Matagaluga o Fuainumera Faamauna, faafetai lava o lea ua matau atu o lea ua i ai le tupe faaopoopo mo le vaega lea. Aua tasi lea mea sa ou laga i lauga lautele i le tatou Tala Autu o le Tupe, o se vaegatupe faapitoa ina ia faaaau ai pea galuega a le Matagaluga lea, aemaise lava sailiiliga o gasegase ma totonu foi i le atiaaina o aiga, o lea ua i ai le tupe lea, malo faafetai. Ou te talitonu lava ua aoga foi le matou lagalaga atu o lea ua faatino mai i lea vaega o le fesoasoani.

Ona ou oo mai lea i le Matagaluga mo Tupe Maua, malo faafetai, e lagalagoina lenei Matagaluga, ona o le ivitu lea o le sailiga o le tatou tamaoaiga o le Matagaluga lenei. Ua maitau atu foi o le seleni fuafuaina mo Matagaluga mo galuega atiae ma aoaoga taua foi nei mo le faaleleia atili o le auunaga, ae ou te talitonu o se seleni aoga foi lenei i le Matagaluga.

20 IANUARI 2015

**Tulafono Tau Faaofi o le Faatatauina o Tupe Faaopopo (Nu.1)
2014/2015 – felafolafolaiuga i luga o le faifauga faaitua**

E maitaunia foi le Matagaluega o Tupe Maua, e talitonu e le tele se tupe o agai i ai, ae talitonu o lea e afo mai le Ministia, malo faafetai i lau Afioega ma le Matagaluega mo le aoina o seleni aua le tatou galuega fai.

Ou te talitonu o se manatu lena o lenei sui usufono, ou te manatu foi o lea ua avatu manino se agaga o lenei usugafono. Ou te talitonu lava o le a silasila i ai lau Afioega i le Palemia ma le Kapeneta aua foi le agai i luma o le tatou atunuu aemaise foi o lenei itumalo. Ia manuia lau Afioega i le Fofoga Fetalai, manuia foi le Palemene. Faafetai.

FOFOGA FETALAI: Malo faafetai. E fautua atu pea i le paia ma le mamalu o le tatou Maota i tulaga masani, e pei lava ona ou taumafai atu i le taimi ua sola, o le Tala Faatatau o le Tupe leni, o le Tala Faatatau Faaopopo o le Tupe. Ua lava a outou tuteiga ma saunoaga i fautuaga o le tulaga o le tatou Tala Aitu i le tausaga na tea nei, na o le \$10,790,000 lea tatou te talanoa ai, ma e fautua atu pea, ia saunoa tonu i le Tala o le Tupe, i le tulaga aoaotetele aemaise foi le itioioga auililili ma agai i talosaga i le Malo i mea e fia faaleleia o itumalo. E talosaga atu ona o le faamamamuga o lo outou taimi, ae ua avanoa le tatou Maota mo se isi saunoaga.

Ia, tulai mai le sui usufono mo Alataua Sisifo.

Afioega LAFATTELE PATRICK LEIATAVALESA (Alataua Sisifo):
Lau Afioega i le Fofoga Fetalai, ou te tulai atu ma le agaga faaalocalo i lenei foi taeao e solitalaina le maualuga o le Maota o le atunuu i le Taitai o le Malo, faapea foi le maualuga o sui usufono na faia mai le fuifui, o lupe na faafele aua le tapuaiga a itumalo.

A o le i oo sa matou faamatalaga i lenei taeao lau Afioega i le Fofoga Fetalai i le Tala Faaopopo o le Tupe e pei ona taoto nei i lumannea, e ao ona matou faatalofa atu i lau tapuaiga Samoa i paia o aiga e fia o le atunuu, i le nofo a faleupu'u aua oe le Usoga, aemaise o le aufueloia ma tootouili o le tapuaiga a le atunuu. E le oo sa matou tala i paia sautuafafafa e amata mai Manuatele, seia paia eleele sa o lenei itumalo, ou te talitonu o Samoa o le atunuu tofi. O paia masani, o le a taoto atu i le Maota leni.

I le tapuaiga a si ou itumalo, ou te faatalofa atu, e faafetai atu i le kerisimasi ma le tausaga fou, e manatu sa outou maua se faiga malologa fiafia i le paia i le ta itumalo. E faatalofa atu i le nofo a Faalupea i le paia i lau fetalaiaga Fofasa, aemaise lena itu o le ta Alataua. Lau Afioega i le Tama a le Malo ma le Alataua lau Afioega Mommoemausu faatalofa atu i lena foi itu o le tatou nuu. E faapito augata se matou tala i lenei taeao fou i le maualuga o le afo o lau Afioega Tonumaipa faapea le Matua. Taitiilili, le toafa o le Aiga Sa-Moeleoi, lau Fetalaiaga Taaitimania ma Tuaitaufai, o oulua Igoa ma Tapaulefano o le Alataua. E faatalofa atu foi i lau Afioega i le Valasi ma Tiliomai aemaise le paia maualuga o le tatou nuu i ona tulaga faalupe, le paia o le Aufaigaluega i le paia o Ekalesia e tolu o le Metotisi faapea foi lau Susuga i le Epikopo. Malo tapuai, o lea ua lamalama faaiu foi lenei Pacaiga, ou te talitonu o le nuu tofi.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

O se matou tala i lenei taeao, tapuai maia, e le tele se tatou sao i le Tala Faatatau Faaopoopo o le Tupe pei ona taoto nei i le Laulau a Fono, e matau atu lenei usugafono na o le \$10,700,000+ o se tupe e laititi. Ae talitonu le faamoemoe o lo o faaopoopo pea i lea tausaga ma lea tausaga. E le galo foi sa matou faafetai i Faaluuluga o Matagaluega a le Malo, faapea foi le aufaigaluega a le Matagaluega o Tupe, e o lo o nafa ma le tapenaina o lenei faamoemoe ma aumai i le tatou Maota.

O la matou tala i lenei taeao lau Afioga i le Fofoga Fetalai, e leai foi se agaga e fai atu se tala ona o nisi autafa ma nisi tulaga. Na pau la matou fautuaga i le taeao lenei, na o le tasi lava le Matagaluega e agai i ai sa matou tala. E le faapea ou te fai atu e fai i le Tala o le Tupe lenei aua e le lava, ae na ona fautua atu ma tuitui atu ma faamanatu atu, ona o tulaga foi e pei ona i ai lenei itumalo. Lau Afioga i le Minisita mo Aoga, matou te valuuvalusia aa o le fau i sou finagalo, ma e faamanatu atu pea le faleaoga, e lua faleaoga o lenei itumalo o lo o tuua, o le faleaoga muamua o si ou nuu o Falelima, pei ona silafia ua leva ona tala i lalo le faleaoga, ae o lo o taumafai lava....

FOFOGA FETALAI: Malie lau Afioga i le sui usufono mo Alataua Sisifo, se i tuu atu le avanoa, o lea ua amanaia e le Afioga i le Minisita o Aoga lou tulai mai. Tulai mai lau Afioga i le Minisita.

Afioga Hon Magele Mauiliu (Minisita mo Aoga, Taaloga ma Aganuu): Faafetai lava i lau Afioga i le Fofoga Fetalai mo le avanoa. E le o i ai le Matagaluega o Aoga i le Tala Faatatau o le Tupe. Faafetai.

Afioga LAFATELE PATRICK LEIATAULESA: Sa ou faapea o lea e manino lava le faafogafoga mai a le Afioga i le Minisita o Aoga. A lea na ou fai atu i taimi ua sola ma ni fatia ua alu, se e le o fai atu sa matou tala o le Tala o le Tupe lea, na o le matou fautuaga ma le faamanatu. E tasi lava le matou mataupu lea e avatu, ma o le lauga a Alataua Sisifo, a ia manatua, e tusa lava pe le faia, ou te toe sau foi i le palota.

Ia o le matou tala i lenei taeao i lau Afioga i le Fofoga Fetalai, e pei lava ona ou fai atu i le taimi ua sola ma fatia ua alu, e leai se agaga e faatauta foi i le tele o galuega lelei a le Malo. A matau i le itumalo lenei, tasi lenei itumalo ua matau sapi ma fiafia ma aleluia ina ua tau lau o le faamoemoe i se tasi o galuega tele, o se galuega e le galo i le itumalo lenei, o le suavai taumafa pei ona matou inaina atu ai i le tele o taimi, ona o le tulaga lava o le fia faaleleia o manaoga na ala ai ona omai i totonu o le Maota lenei o Samoa.

Lau Afioga i le Palemia faapea foi le maualuga o le Maota lenei, e faapena le agaga o lenei usugafono, o Lafai e le o se tagata e faamaualuga, ae a i ai loa se mea e faaletonu, e avatu sao lava a matou upu. Ae faamalulu atu i lau Afioga i le Minisita mo Aoga, Taaloga ma Aganuu. O le agaga lena o lenei sui usufono, matou te faamanatu ma tuitui atu aua tulaga o manaoga o le itumalo, ina ia mafai ona faaleleia pei ona i ai foi le tatou valaaulia foi i lenei vaitau o le soifuaga.

**Tulafono Tau Faaofii o le Faatatauina o Tupe Faapoopo (Nu.1)
2014/2015 – felafolafolaiga i luga o le faitauga faatua**

Lau Afoga i le Fofoga Fetala'i, malo lava mo le taitaiga o le tatou Fono, e le faigo'ffe lau galuega, ae ou te tallitonu o le ala lena na faalautele ai e le Atua ou tauau ma lou fafafata e te feagai ai ma faafitauli o le olaga lenei.

Ia, lau tapuaiga Samoa, matou te manumamu i lape o upu, matou te faamalulu atu i lenei taeao fou, o le a foi sa outou faafofoga i sa matou tala ua le tautamailia, ia matou te matua atu i lau tapuaiga, ia faamagalalo mai se matou upu ua le tonu i lenei taeao.

Ia, lo tatou itumalo, o lena ua outou faalogologo mai, pei lava ona tatou felilo'i ma aumai foi la outou tuualalo i le tatou faleaoga, ia mau pea le toovae, e le i fausia Roma i se aso se tasi, ae ou te tallitonu o oe o le itumalo e lava le onosai, e pei foi ona i ai le tatou galuega o le tatou suavai taumafa sa tauanau ma finau ma tuitui pea i le Malo, a o lea ua tatou saa i maa o malie.

Lau Afoga i le Fofoga Fetala'i pei ona i ai se matou tala i le taeao lenei, a alu se astasiga a le Afoga i le Palemia ma le Minisitā o Galuega i le atunuu lenei, ia, e matautia le suavai taumafa o le itumalo lenei, ua pepese fiafia ma ua maua le suavai mai le lagi. Ou te le iloa po o lea le mea na ala ai ona tuai, ia ona o le faaletonu foi o e na autovava mai i le le tuitui ma tauanau i le Malo, ae momoli atu lo matou agaga faafeta'i i le taeao lenei.

O le a foi se matou upu i lau tapuaiga Samoa, e faamalo atu i lau tapuaiga, e le faigo'ffe lau tapuaiga. Ou te manatu o le Maota lenei, e le o se Maota e fia utuvalitofu i ai se sui usufono, o le Maota e faalalo i ai i le tele o Tulafono a le atunuu lenei na faufau mai e o outou tuaa ma o tatou matua, o lea ua sappi ai le taitaiga o le tatou atunuu ma folau ai le tatou sa ma le manuia. O le matou tala lena i lenei taeao.

Ia manuia le Fonousu a le atunuu.

FOFOGA FETALAI: Malo saunoa i lau Afoga i le tofi o le Alataua Sisifo. Ua avanua le Maota mo se isi sauroaga a se sui usufono mamalu. Ia, tulai mai le sui usufono mo Faleata Sasae.

Tofa AVEAU TUALA LEPALE NIKO PALIAMO (Faleata Sasae): Ia, e muamua ona sii le viiga i le Atua, e muamua foi ona ou faatulu i le paia ma le mamalu o le Maota Fono nei i Tiafau, faatulu i lau Afoga i le Fofoga Fetala'i, le Afoga i le Palemia ma le Kapeneta, aemaise foi o le mamalu o le Palemene, faapea foi Faauluuluga o Matagaluega, le Aufainusipepa ma le mamalu o le Palemene.

Masalo o le taeao lenei, o le a ou te toe oo i paia ma faiga o Samoa, o lena ua uma ona e paepae ma e faapaia. Ona o le taumafai ia e pui'pui lou taimi, o le a ou le oo i ai, ae o le a nuunuu atu ia Tumua ma Pule ma Falepulu o Tofiga, aua o le latou fauaiga tausi lea. Ae muamua pea e tatou lava ona ou pai tasi i si ou itumalo o Faleata Sasae. E pei lava ona silafia e le mamalu o le Palemene, o le tausaga mulimuli lenei o le tatou Paeaiga.

Ou te faatalofa atu i si ou itumalo i le sau mai Vailoa seia paia Yaimoso. O paia lava ma sa ma faiga o le a ou le oo i ai, ae ou te iloa ua malosi foi le sui usufono o le Itumalo ona o le lelei o le tapuaiga.

**Tulafono Tau Faaofi o le Faatatauina o Tupe Faaopoopo (Nuu.1)
2014/2015 – felafolafoaiga i luga o le faitauga faalua**

Le paia i le Tama a le Fale, Usoalii ma le Matua ia Patauave, aemaise foi o lo oulua toalua ia Une ma Manuleleua ma oulua Aiga ma le affio o Matua. E faapea foi le affio o Faumuina ma Tamapaa, le Saofaiga a le Atua ma le mamalu ia Faleata, faapea foi le tapuaiga a Nuu ma Leatinuu ma le Faiga, aemaise foi o Faleata atoa. Ia tapuai maia ae sei fai se manatu i le Tala o le Tupe mo le amataga o lenei tausaga.

O le Tala o le Tupe pei ona faataatia, e le o se... pei lava ona saunoo nisi o sui usufono, e le o se Tala o le Tupe tele, ae i ai nai vaega taua o lo o tau mai ai i totonu o le Tala o le Tupe lea ma o le a ou taumafai e ootoo atu i vaega taitasi. O le vaega muamua, o le a fai sina au tamai lauga i Matagaluega uma a le Malo, na o se fautuaga aua foi le amataga o lenei tausaga. O le Matagaluega o Faatoga pei ona fatulai mai ai le Tala o le Tupe, o le tele o fautuaga lea ou te vaai atu ai i totonu o le fautuaga a le Komiti o Tupe lea na i ai, o lo o i ai le fautuaga e faapea; e faatu ni solar panels foi nei e puipui ai le tau o le eletise. A tagai foi i le fautuaga a le Komiti lenei, e tele lava i le taumafai e puipui le tau o le eletise. O Iona uiga, o se tasi lea tupe tele o lo o i ai i totonu o le Tala o le Tupe lenei, o se seleni o lo o faamatuu atu ina ia mafai ai ona totogi le pili o le eletise. O lea la e i ai lau fesili, masalo o lau fesili e agai foi i le Minisita o Galuega o lo o pullea le EPC. O lau fesili muamua, o lea e tele mai fautuaga a le Komiti lenei i le taumafai lava lea e fai pea le solar panel a le Matagaluega latou, ae tagai foi, masalo po ua fa kamupani lea ua faatu a latou solar i totonu o le atunuu lenei. Ou te iloa foi ua i ai le kamupani ua amata ona faatino le latou auunauga, le kamupani lea mai Niu Sila lea e i ai le solar lea i uta i Tuanaimato; ia faasao mai au pe a... Afai la ua faatino lea vaega, o le a se fesoasoani i le mamalu o le atunuu ua i ai nei talu mai ona faaoga le solar lea? E le gata i lea, afai ae ola uma solar ua i ai nei, pei ona silafia toetiiti uma ona aafia le isi itu o le tatou malae vaalele i solar, le isi atoa lena ua i ai ina. O lau fesili la; o le a se faamamaavega o lo o i ai nei, pe o mafai ona forecast mai le Matagaluega se faamamaavega i le mamalu o le atunuu aemaise la Matagaluega ia. Po o le a se alu i lalo o le eletise, aua e le o se mea faigofie. Sa ou fesili i le Komiti lea na faia le Lipoti, pe ua latou auilililia la pe fia se tupe e alu e faatu ai mea nei a Matagaluega taitasi? E fia se seleni e alu ai? Afai foi la o le a faatino, e fia se seleni e alu ai i lea vaega? O lau fesili ou te fia malamalama ai po o le a se mea ua i ai kamupani tetele nei, ou te talitonu e tatau ona tele se faamamaavega i le tau o le eletise.

A o i ai pea i le Matagaluega lea a le EPC, masalo ua tolu tausaga, o le tausaga ua tea na o atu ai nisi o le sui o le EPC e fai se sailiiliga, ona o lou talitonuga o lo o faatau e tagata o le Matagaluega ni uaea, o lo o faaoga i ni kamupani o lo o lauina le copper i fafo, e le o se mea fou. Masalo e le o se mea fou....

FOFOGA FETALAI: Malie le sui usufono mamalu, ou te vaelupeina le saunooa i le mataupu ona o... Se i tulai mai lau Afoga i le Minisita mo le Faalapotopotoga o Malosi Faa-Eletise.

20 IANUARI 2015

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafolaiga i luga o le faitauga faafua**

Afoga Hon Manualesagalala Enokati Posala (Minisita mo Galuega, Felauaiga ma Ainae Eeseese ma le Faalapotopotoga o Malosi Faa-Eletise): Faafetai i lau Afoga i le Fofoga Fetala'i, e faatalofa atu foi i le maualuga o le tatou Maota nei i lenei tausaga fou. O le mataupu e pei ona laga i le tulaga lea, o lo o faaauau suesuega a leoleo ma faaitino suesuega a leoleo. O lea e talosaga atu ai, taatia le mataupu se i mea suesuega a leoleo o feagai ai, a o lea ua maua. O lea ua i ai polokalame a le Faalapotopotoga mo e ua aafia, o le tulaga o i ai, sa alu le latou... o la e i ai uma lava auale e mafai ona monitor ai lea vaega, o le GPS o lo o faaogaga e taavale, ua maua vaega ia, a o lo o tuuina atu la i le Matagaluega o Leoleo e faaitino le latou suesuega ma molilaga, pei la o le taotoga lena o lea e i ai le tatou mataupu.

A o le isi vaega lea pei ona saunua i ai le sui usufono mamalu i le solar, o le tulaga lena e i ai, o le tilotilo lava i le aotelega lea e i ai, 2017 ua i 100 pasene le tulaga i le renewable energy mo tatou. O le taimi lenei ua uma ona saini le maliega e faatau mai ai le eletise. E leai lava se eseese ma le tulaga lea e aua le faitauina fuamoa e le i fofoa, o la e ua faaitino galuega, o la e ua... o upu lava vaeatu lou gutu ma le afi, o la e ua tuufua, e oo i le tulaga i le faaitinoga e kamupani eseese ia, o le mea lena o lea e i ai, o la e mataitu. A o le vaavaai i le humanai, o le 2017 lena e target ina ia oo atu i ai ua tele se sulga o le tatou....

O le tulaga foi i le tau, o la e faaitino i le taimi lenei e galulue faafasi ai ma le Pule Faatonu ma le Regulator e faaitino le tau o le tatou eletise mo le tausaga lenei e faasolo atu i le isi tausaga. O mataupu uma na o la e vaavaai i ai, ae ua tele se sulga talu ona fesootai le tatou tulaga lea i le eletise sa fesoasoani mai ai Niu Sila, aemaise o le matagi lea e faaitino i Aleipata, manala tele, lelei tele le fesootaiga mai Iotonu o le Grid, malosiaga faaletise ma ana auanunaga, o la e foi ua silasila i kamupani ua uma ona saini maliega ia, o lea ua amata ona fau a latou plans ma tulaga na i le malae vaalele, e faapena foi Tuanaimato i le mea o i ai, a o le target lena o lea e agai i ai.

Ma le faaalolato lau Afoga i le Fofoga Fetala'i.

FOFOGA FETALAI: Malo faafetai. Ia se i tulai mai lau Afoga i le Palēmia.

Susuga Hon Tulapepa Fatialofa Lupesolai Aiono Neioti Satilele Mahiegaoi: Lau Afoga i le Fofoga Fetala'i, masalo pe a ma le fa tausaga talu ona ave le faatonuga a le Kapeneta e salilifi uaea ia na lipoti mai ua masalomia le aafia ai o tagata i le aveeseina. Na amata atu i pou ia e tuu mai i a le autai telefoni i mea ia o uaea copper.

E le na o Samoa e tupu ai le mea lea, e tupu foi i Niu Sila ma tupu i isi atunuu. Na ou faitau i le lipoti o le isi gaioiga copper. Na o le aiga e matolo i le Kerisimasi ae ai na iloa e le au gaoi. Na o atu lelei lava taavale tutu lelei ma talai. Na faapea tuaoi o se galuega na faatonuina e fai.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

Na alu le aso atoa o tala uma mai lava copper uma lelei lava, o ae faatoa foi mai le aiga pe atoa le lua vaiaso ma fesili. Na faatoa iloa ai o le mea lea na fai i le ao teatea, na fai e tagata gaoi.

O le mea lea o le copper e taua tele ma e maualuga le tau i le maketi. E le i umi lava la ona fai suesuega, a o le faigofie ia, aua e le tele lava ni tagata e aveai i fafo ni uamea. Ona pau lava le mea e fai o le vaai uma o aiga ia e fai a latou pisinisi. E pei la o le tulaga lena o lea na agai i ai suesuega, ma o lea ua saunoa atu le Minisita.

O le lalolagi lenei tatou te i ai, e tupu loa le mea faapena, e fiu lava. A maua atu foi ia tagata ae fai ane foi lapiti a ia tagata. O le lalolagi lava o lea e fealuai le tiapolo. A aveane ai tatou, ae na oo lava i le Alii o lea sa filo ai lava ma le tiapolo e faasooso lo tatou Alii?

Lau Afioa i le Fofoga Fetalai, o le mea lena e taua ai, faafetai lava i le Minisita ma le latou Matagaluega i le mataalia ona o lea ua fai fai lava suesuega, e ui lava ina ua umi ona fai, ae o lea ua iu lava ina maua.

Lau Afioa i le Fofoga Fetalai, o le taua lena o le fesili lea na aumai.

FOFOGA FETALAI: E manatu ona o le mataupu ua i aao nei o le Tulafono, e fautua atu i le sui usufono, see ese ma le mataupu lea o lo o ua faaauu suesuega a le Matagaluega. A o le mea e sili ma le taua, o lea ua tatou iloa ina o lea ua amata ona suesueina i latou na faia ia solitulafono. Ae e le mafai ona tatou tautalagia se i maea mai lipoti a le faamasinoga na faia faaiuga o e na aafia.

Ae tulai mai le sui usufono mamalu, e manatu foi o lea ua tali malamalama le Afioa i le Minisita i nisi o forecast ma tala tatou te naunau ai po o le faamanuiaga o mea tau solar system, ae tulai mai le sui usufono e faaauu le saunoaga.

Tofa AVEAU TUALA LEPALE NIKO PALAMO: Faafetai i lau Afioa i le Fofoga Fetalai, faafetai foi i lau Afioa i le Minisita, aemaise foi lau Afioa i le Palemia mo le faamalalamaina o le tele o mataupu, ia o le a ou see ese ma le vaega lea, pau lava lau fautuaga ia vave maua le faaiuga ne i te i foi ua pau i le atunuu ia le tau o ia vaega.

Ae momoli lau faafetai i lau Afioa i le Minisita ona o le paipa lea ua faatino e alu i o i Papaseea, aua pei ona silafia, ua tele tausaga e le au le paipa i luga i Papaseea ai o le aega o lea vaega. Ae silasila foi, o le tasi lenei Mataaga a Samoa e vaai i faamaumauga a le ofisa o Tagata Tafafao Maimoa mai e ese le toatele, e aupito i toatele lava tagata e o i ai i le vaega lea i Papaseea, ae fai lava sina faanoanoa ona e le o oo i ai le paipa. O lea la e tatalo atu ai i lau Afioa i le Minisita o lea ua faatino le galuega, ia se i faataunuu ifo i o, ma le faaloalo lava.

Ona ou oo mai ai lea i le Ofisa o Faatoaga, e momoli lau faafetai i lau Afioa i le Minisita o le Matagaluega i galuega foi o lo o faatino i le Ofisa o Faatoaga.

20 JANUARI 2015

**Tulafono Tau Faaofi o le Faatatauina o Tupe Faapoopo (Nu.1)
2014/2015 – felafolafolaiuga i luga o le faitauga faatua**

O lea ua vaai atu i le Tala o le Tupe o lea ua amata ona sii le tatou Matagaluega i le tasi itu o le fanua ona o lea o le a faatu ai le fale o le atunuu foi lea o Saina i le mea lea sa i ai nei le Ofisa o Faatoga, atonu o lea foi ua maua mai le fesasoani i i.

Ae i ai le fautuaga lea e aurnai a le vaega lea i a le Komiti lea o Tupe agai i manu papalagi se i tagai ane i ai lau Afioega i le Minisita, aua pei e foliga mai e le o fetauti le faitauina o le aofai o ia foi faatoga a le tatou atunuu po o lafumanu.

E i ai lava lau fesili lau Afioega i le Minisita, atonu ua fai soo foi lau fesili ua se tai taliga foi i lau Afioega i le Minisita, ae ou te fia fesili lava i le polokalame lea o le SACEP. O lau fesili, pe fia ni tagata faitaatoaga o lo o ua i lalo o le polokalame lenei e oo mai i le taimi lenei? Aua pei ona silafia, pe tusa ua fa nei tausaga o faatino le polokalame lenei. O lea la ou te fia fesili ai i lau Afioega i le Minisita, pe toafia ni aufaitaatoaga i Upolu, ae toafia ni aufaitaatoaga i Savaiti o lea ua i lalo o le polokalame lenei? Ae silasila e le o se tupe laititi. E i ai lou popolega ina ne i te i ua maea le polokalame lenei, e le i maea le seleni lea. O le mea lava lena e ala ai ona faufautua pei ona silafia foi e lau Afioega i le Fotoga Fetatali ma le mamalu o le Palemene, e leai lava se tausaga ou te le taua ai le tulaga lea, ona e taua tele, ona o le polokalame lenei e manuia ai lo tatou atunuu. Ia se i tagai ane lau Afioega i le Minisita i le vaega lea. Afai foi la e fia se aofai, ae fia se aofai o se tupe ua faaalu i ta vaega o le aufaitaatoaga? Ona e ese le taua o le polokalame lenei, e tatau lava ona faatino lelei ina ia maua ai le manuia o tatou tagata.

Ou te faafetaia le Matagaluega i le faatinoina o le polokalame lea na i ai le \$5miliona foi lea o le Afa. lea ua manaina le faatinoina o lea vaega, faafetai i le Matagaluega, manaina le faatinoina o le vaega lea, o lea ua solosolo lelei foi i totonu o nuu ma alaalafaga. A o le vaega lea o le SACEP ona o lea e fai ma tau asiati foi nai nisi o nuu o lo o i ai le vaega lea, e i ai lava nai faletonu laititi na e i ai. Ae o le a taatia atu i le Matagaluega e tagatagai i ai ma aurnai ai lea o se fautuaga i se taimi o i luma o le tatou fonotaga.

Ona oo mai lea i le Matagaluega o Faamasinoga ma Pulega Tau Faamasinoga, o lea ua afio mai le Afioega i le Minisita mo Faamasinoga, e faigofo lava lau fesili, o le Tala o le Tupe lea na maea atu nei, sa i ai le faaupuga foi lea sa fesiligia o le repays or fees service fees. O le mea lea ua tupu ua tai selau pasene le sitaga o fees nei. O i le Ofisa o Faamasinoga o le faamanuia o le matai lea ua i ai nei ua \$100 mai le \$40 sa i ai, e le na o le Ofisa la o le Faamasinoga o lea e i ai le vaega lea, e oo foi i i le Ofisa o lea e fai ai laisene o taavale ua alu i luga i le 100% le sifi e te alu e fai lou laisene, amata mai nei i le tausaga fou ma isi lava auunaga, ou te liloa e leai ma se vaega a le Malo e le o i ai se sitaga o vaega ia, masalo foi o lea ua fou, e i ai foi ma sitaga fou ua i ai, e i ai mea fou sa le totogilina a o lea ua fotogi ua amata ai ona foia e tagata le o e sue se fesasoani. O lea ou te toe tatolo atu ai i Afioega i Minisita, se i toe tagatagai ane i vaega ia, ona e le faigofofe, ae afai foi ua fai sitaga nei, e i ai se formula na fai ai ia sitaga e sii mai ai i le 100% pe sii i le 50%, pe sii i le fia, e i ai se vaega e fuafua i ai le vaega lea?

**Tulafono Tau Faaofi o le Faataauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

Ina ia ogatasi uma, aua o le autu o le siitaga lea pei ona saunua le Afioaga i le Minisita o Tupe, ina ia siitia auunaga a Matagaluega ina ia lelei le faatinoina o le auunaga ina ia alu atu le tagata o le atunuu e saili e fia maua se fesoasoani, a o lea e lelei le auunaga. E tatau la ona i ai se base fees e sii ai le vaega lea, ae le o le pule lava le Matagaluega ia i le ituiga sii e sii ai. A o lea ou te talosaga atu ai i Afioaga i Minisita e ui atu i lau Afioaga i le Fofoga Fetalai, se i toe tagatagai ane i vaega ia.

O le vaega lona tolu ou te fia talanoa ai, o le vaega lea o le siosiomaga. O lea ua tele ia.....

FOFOGA FETALAI: Malie le sui usufono mamalu, se i tuu atu le avanoa i le Afioaga i le Palemia.

Susuga Hon Tuilaepa Fatialofa Lupesoliai Aiono Neitoti Sailele Maliegaai: Lau Afioaga i le Fofoga Fetalai, o au lea ua tau taavili le lalolagi i lou mafaufau, o i latou lava nei e tutu mai fai mai, e tatau ona vaai totoa Matagaluega i a latou tupe maua ma Faalapotopotoga i a latou tupe. O lea ou te tau matauina nei po o ua ova ma le luasefulu tausaga talu ona \$40, ua fai sina leva, ae o au lea ou te paso i le mea lea o le finau mai o le Itu Agai e taoifiofi le loan ae vaai ia tupe maua, o lea foi la ua liliu Matagaluega e fai lelei a latou tupe maua, a o lea foi ua toe faasea mai, aemaise foi mo Faalapotopotoga Tumaoti. Ia soia ia le gau, gau, gau pea, ae se i faaleleia a latou tupe ina ia aumai ai le latou seleni e fesoasoani i le Tala o le Tupe. O le mea la lea ua tupu, a tulai atu ia Matagaluega ma Faalapotopotoga e faatino a latou fautuaga nei e fai mai, a o lea foi ua toe faitio. O le a ea le sao? Ae a o foi le Malo e nono, ae fai mai ua le tatau ona toe aitalafu, o le a faatau e Saina Samoa. O le a tonu le sao? O la e i ai le faautaga tatau. E taua le saunoaga lea na aumai nei, ia faaleleia le tautua.

Ou te matua faamalo i le Tamaitai Minisita, o le mea lea na matou vaavaai nei i ai i le vaiaso le la, na ona alu lava o le mea i luga o le computer, fai atu loa le isi, “se i aumai lava sau kopi,” na ona oomi lava o le ki puna mai i fafo le kopi, pe na o le lua sekone ae sau le kopi, e matua matautia le mea lea ua i ai. A o aso ia, e te fiu e afuafu i le vevela faatoa oo mai le kopi ia oe, a o le taimi lenei, ua ese lava le mea lea ua i ai. Ia pe alu alu le gasologa lea ua i ai nei le soifuaga, e te le toe tigaina e te alu i o, na ona e manao lava ua ou fia taele, sau le paipa taele, ua ou fia alu i o i le fale le taua, sau le.....na o le oomi lava o le ki. O le mea lea ua oo i ai le lalolagi.

Ia o le tali atu lena i le sui usufono mo Faleata Sasac.

Tofa Lealailepule Rimoni Aiafi (Faleata Sisifo): Lau Afioaga i le Fofoga Fetalai.....

FOFOGA FETALAI: E le i aafia lou suafa le sui usufono mo Faleata Sisifo i le saunoaga a le Afioaga i le Palemia.

20 JANUARI 2015

Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faifauga faalua

Tota Lealalepule Rimoni Aiafi: Leaga o lea e saunoa faalauaitete le Afioaga i le Palemia i le matou vaega, a o lea e fai atu ai, leai o le sitaaga e lelei, a o le mea lea e fautua atu ai lenei vaega, se i sili tai 5%, tai 10%, a o le sili tai 100% tai 200%, o le mea la lena o lea e fautua atu ai.

FOFOGA FETALAI: O lea ua maua le saunoaga a le sui usufono.

Susuga Hon Tuiaepa Fatialofa Lupesolilai Aiono Neioti Sallele Malelegaoti: O le mea foi lena o lea e fai ai le fautuaga, se tai tolu, tai fa tausaga ona toe tilitio lea e toe teuteu, ae le o le faatali se i atoa le 20 tausaga faatua teuteu, ia o lea la ua teu atu ae ua tete'i. E leai lava se te'i a le tagata e malamalama, e toafilemu ma malamalama, a o outou lava nei ua tutu soo mai pei ua te'i. Ia lau Afioaga i le Fofoga Fetalai o le fesasoani atu lena, ia o lea foi ua tu mai le isi te'i.

Afioaga Hon Palusalua Faapo II: Lau Afioaga i le Fofoga Fetalai o se mea e fia faamalamalama.

FOFOGA FETALAI: Ia se i tulai mai le Taitai o le Itu Agai.

Afioaga Hon Palusalua Faapo II: Leaga o lea na tunaia i le saunoaga a le Afioaga i le Palemia lenei itu, fai mai e fautua atu, fautua atu, ina ia faalelei le auanaga. O le matou galuega lea e fautautua, ana silasila totoa le Malo e faaititia tupe ia e leiloloa ma faaletonu le faaogaina, e le sila auanaga ia, e le sila auanaga ia, faaputupu mai tupe o lo o...pei ona aumai i le Lipoti a le Suetusi Sili. Pei o tulaga ia e fautautua atu ai i lau Afioaga, ae matou te le tete i tulaga o mea e fia faalelei, aemaise o auala ia e pupu lava....

FOFOGA FETALAI: O lea ua maua le finagalo o le sui usufono. Matie le Taitai o le Itu Agai.

Susuga Hon Tuiaepa Fatialofa Lupesolilai Aiono Neioti Sallele Malelegaoti: Lau Afioaga i le Fofoga Fetalai, o se mea e fia faasao. E faatua uma atu nei lava lau faamatalaga, vaai, o luga lea sa faalaitaina lo tatou Aili, o le teutupe, o le teutupe lena a uma nei ia se latou talaiaga i lea mea ona gasolosoalo mai lea e omai le aumaitiva, omai le aumauolua, tuu tupe i luma o le ausoo le au aposetolo, ia tuu i ai o isi o le aumauamea aemaise lava o le au Roma, ia e omai tuu a latou auro, ona tufi loa lea o luga e atu e faaili'u, e faaili'u mea nei o money changes a, mea o auro, na o le Atua e silafia uma mea uma, alu loa luga sau loa ma tupe, alu ane fai lea mea valea, fai lea mea valea, nofo i le hotel, hire ia tamaitai e latou te tafafao, oo mai i i, ae fai atu Iesu, "sole tuu lau amio," fai mai, "o ai foi le gutu umi na nofo ma lipoti atu nei mea ia te oe." Ua ala ona ou fai atu ia te oe, vaai, e oo ia luga, gaofi, pepelo, faalata. E faapena le mea, leaga o lea e fealualava satani i le falolagi nei. E fitu lava le Malo e taoifi atu lea ma lea, ae tupu lava.

**Tulafono Tau Faaofi o le Faatautaina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

O le tulaga lena, ua ala ona ou taua atua ia te oe, o lea e tau atu nei ia au e leai sou tofi, a o oe o le Triakono Toeaina, a o lea e te le malamalama i uiga sa tupu. Ia o lea ua tu mai le isi tiakono.

FOFOGA FETALAI: Se i tulai mai le Sui Taitai o le Itu Agai.

Afioga Hon Aeau Peniamina Leavaiseeta (Falealupo): Lau Afioga i le Fofoga Fetalai ma le ava e tatau ai. E matou te le o talanoa atu i le vaega lea o Iesu ma Ona soo. O lea matou te talanoa atu i ana Minisita i lalo o le isu o le Palemia lea ia e faaletonu ai, alu ai loa a tatou tupe.....

FOFOGA FETALAI: O lea ua maua lou finagalo. Tulai mai le sui usufono mo Faleata Sasae.

E manatu ua manino lau folasaga ma lau fautuaga na ave i le Malo, see ese o lea o le a uma lou taimi.

Tofa AVEAU TUALA LEPALE NIKO PALAMO: E talosaga atu foi i le tatou Vaega faamolemole se i tuu mai se avanoa.

O le siosiomaga, faafetai o lea ua tali atu Leala i le tulaga lea ma o le a ou te toe oo i ai. A o le siosiomaga, faafetai lava i le tele o galuega lelei ua faatino, ae i ai nai vaega ia lau Afioga i le Minisita. O le vaega muamua e faatatau i le fonotaga lea a le SIDS. E i ai ea malulu ia sa i ai, o lea ua maua tala ua tufa fua. Ua oo lava i le tai 30 ea malulu a le tagata e toatasi. Sa fesiligia lea vaega pe aisea ae po o le a foi le faiga o lea vaega? Sa faapea mai sa faasalalau.....

FOFOGA FETALAI: Malie lau Afioga i le sui usufono mamalu se i avatu le avanoa i le Minisita ina ia faigofie ona tali atu ona e le taugofie tuuaiga ia ua tuuaia ai le Matagaluega.

Tulai mai le Minisita mo Punaoa Faanatura ma le Siosiomaga.

Tofa Hon Faamoetauloga Lealaiauloto Ulaitino Faale Tumaalii: Faafetai i lau Afioga i le Fofoga Fetalai mo le avanoa, e faafetai foi i le sui usufono mamalu i le mataupu ua laga mai.

O le tulaga e faapea ua tufa fua air condition units ma fluorescence lights i tagata lautele o le atunuu, e sese lea tala. O lea e ave i ē ua uma ona filifilia e fai ai le poloketi lea e faagaga e faaititia ai fesuaiga o le tau (climate change). O technical assistance to addressing climate change (TAACC) aua o le tele lava o vaega ia e ave i ai air condition units ia, o lea e ave i Matagaluega a le Malo faapea foi Faalapotopotoga tumaoti ona o le tulaga foi lea ina ia sui ai air condition units foi ia o lo o i ai le kasa oona lea e afaina ai le ozone, ma e tele foi le faasaoina o le eletise e faaoga ai i le faaola o units ia. O lea ia ua avatu units ia e laitiiti le eletise e faaoga ai ma leai foi ni kasa oona ia, ae ao mai e le Matagaluega units tuai ona aveese lea o le kasa oona e faafoi e destroy i atunuu i fafo.

20 IANUARI 2015

**Tulafono Tau Fasoʻi o le Faatatauina o Tupe Faapoopo (Nu.1)
2014/2015 – felafolafoaiga i luga o le fatiuga faalua**

E pei o le tulaga lena i le poloketi lea (TAACC) e pei ona fesiligia, ae leai se tulaga e faapea o tufa sua e aunoa ma se mafuaaga. O vaega uma ia o lo o ave i ai unis ia ina ia faafatigofie ai foi ona o atu le Matagaluega aua o lea e fuafua o Mati e alu ai le siakina o unis ia i le tulaga i le poloketi lea e tau o le technical assistance, ma o le faamalamalama lena i le tulaga lea e tusa ai ma le faafesili.

FOFOGA FETALAI: Faafetai i le faamalamalama a lau Afoga i le Minisita. Tulai mai le sui usufono e faaanuu le saunoua ua toe lima ou minute.

Tofa AVEAU TUALA LEPALÉ NIKO PALAMO: Faafetai lava i lau Afoga i le Minisita. O le mea lava ia o la e tufa sua. E moni o lalo o le poloketi, a o la e ave sua i tagata e le o faatauina ma e leai se tupe o alu ai. E i ai foi le mea faapea e faapipii foi e le Matagaluega, ou te le iloa pe i ai se fee a le vaega lea pe leai, ae afai o le vaega lea, e mafai ona aumai i luma o le Palemene tagata, o kamupani ma Matagaluega ia e alu i ai ea malulu ia? Ae e fia foi ea malulu o lo o alu i tagata taitoatasi ia aua leaga e i ai tagata taitoatasi e le o ni kamupani o lea e tufa i ai ea malulu ia. Ia manatua foi.....

FOFOGA FETALAI: Malie le sui usufono mamalu, se i tuu atu le avanoa i le faamalamalama a le Afoga i le Minisita.

Tulai mai le Minisita mo Punaoa Faanatura ma le Siosiomaga.

Tofa Hon Faamoetauloa Lealaiauloto Ulaicino Faale Tumaalii: Faafetai lava i lau Afoga i le Fofoga Fetalaia mo le avanoa.

O le tulaga tonu lava lena o lea e i ai le poloketi lena. O tagata nei o Matagaluega ma Faalapotopotoga nei na filifilia faapitua e ta'u o le focus group e fai ai le study lea.

O le tulaga tonu lena ma e leai la se tulaga e faapea ua ave e aunoa ma se aoga. O lea e faaoga le group lea e fai ai suesuega, ma o lo o fai foi le lisi o ē na ave i ai ea malulu nei.

FOFOGA FETALAI: Malie lau Afoga i le Minisita se i tuu atu le avanoa i le Afoga i le Palemia.

Susuga Hon Tutiaepa Fatialofa Lupesolai Aiono Neioti Satele Mallegaoti: Lau Afoga i le Fofoga Fetalaia, sa ou talatalanoa i le Afoga i le Minisita i le latou faiga lea i fesootaiga ma i latou e omati e fai i ai le polokalame lea. Sa ou tuualato i ai, se a aumai ea ni mea faapena i le tulaga i ni faatataiga, ailoaga e maua se 80,000 o ni aiga i Samoa? Aumai aiga uma lava e fai ai faatataiga ae aua le filifilia na o ni aiga, ae fai i aiga uma lava ina ia aua ne i tilofia ai se polokalame ma faapea ai foi ua fai na o ni nai tagata ae le aafia ai le atunuu atoa. O lea o le a tau vaavaai i ai pe i ai ni polokalame faapena e aafia uma ai le atunuu atoa.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafaoga i luga o le faitauga faalua**

Aua a fai foi se polokalame faapena, e muamua lava foi tulai ae le sui usufono mo Faleata Sasae e fesiligia la outou mataupu. A o le taua ia o le mataupu lenei i mea o faaitaiga i tamai atunuu faapenei e toa gaogao. A toe i ai ni mea faapea, se aumai ia cover uma ai aiga o le atunuu atoa ma le masalosalo.

FOFOGA FETALAI: Tulai mai le sui usufono mamalu e faaauu le saunoaga.

Tofa AVEAU TUALA LEPALE NIKO PALAMO: E le augofie foi le faalogologo atu i le faapea mai o poloketi mea ia. E le tau sailia foi ia mea, o lea ua leva ona iloa e le SROS ma le Vaega a le Environment le taua o le vaega lea, aua o lea o energy efficient vaega ia, ae sa i ai le manatu ona o le sao o le atunuu na fai ai i totonu i ina, o le a le mea na le tufa mai ai i fale o faifeau, o falesa ma vaega uma faapena? A o lea e maua le tala e tai 30 tai 40 ea malulu a isi. O le mea lea ou te fesiligia ai lea vaega ona e matua le fetauti, ae ui i lea o le a taatia maia.

FOFOGA FETALAI: Ou te masalo o lea ua saunoo le Minisita, e le uma ai tufaga ea malulu faapea aua masalo po o le masina foi lea toe taunuu nisi ea malulu ona faasopolia lea o le atunuu e pei ona saunoo le Palemia, ae tulai mai le sui usufono mamalu e faaauu mai le saunoaga.

Tofa AVEAU TUALA LEPALE NIKO PALAMO: Ona ou oo mai ai lea i le vaega lea a le Immigration. Ou te fia talanoa i le faatinoina o visa o tagata e fia malaga ai i Ausetalia, ona o le vaega lea e matua faigata tele toe taugata tele i totonu o lo tatou atunuu.

Ou te masalo e leai ma se isi aua e i ai foi malaga a le Malo na o ma taumafai e fai visa ia, ma e faigofie le ui atu iinei i lo tatou Ofisa, ae talofa e i lo tatou atunuu ona o le vaega lea. Ou te fia fesili atu i le vaega lea pe aisea ua le mafai ai ona faatino galuega nei i totonu i le Ofisa o Ausetalia lea e i totonu o lo tatou atunuu? O lea foi e faafogafoga mai le Ofisa o Ausetalia, ua matua faigata tele le faiga o visa tatou te o ai i Ausetalia. E tatau ona toe tagai ane i ai i le vaega lea ona e fai sina taugata.

FOFOGA FETALAI: Malie le sui usufono mamalu se i tuu mai le faamalalamamaga a le Afioga i le Palemia.

Susuga Hon Tuilaepa Fatialofa Lupeolai Aiono Neioti Sailele Matilegaai: Lau Afioga i le Fofoga Fetalai o itu ia e pule lava le atunuu latou, a o mea nei sa fai foi i Samoa nei, ona aveese lea ma iinei ae ave i Fiti. Sa ou fesiligia ma e le faatasi foi ona matou feiloai, ae sa aumai pea o latou finagalo, e faapea o le faiga faavae lea a le latou Malo. E le i tau maia le mafuaaga ae ua ou iloa lelei lava le mafuaaga. O le mafuaaga ua tociitiiti lava miliona le aofai o tagata i Fiti.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

O Iona uiga e le latititi ifo i lalo i le 100,000 tagata e malaga i o i Ausetalia mai Fiti. A o tatou i le mea lea sa i ai, ailoaga e atoa se 50 i le 100 tagata o tatou e malaga i Ausetalia? Aua o le tóatele o tatou e o agai i Niu Sila. O lea la ua fua atu e latou, e gau ai le latou ofisa i nei ona e tau leai nisi e o. O le tulaga lena na fai ai le latou suiga lea ma ua fai sina leva. Ua ave le latou vaega lea i Fiti ona ua fiu lava latou e tauanau e oo lava foi i le Palenlia, e faafofoga foi le Palenlia ia ia i latou, ae a avatu loa fuainumera ia, o i ina tonu lava e faavae ai aua e tautala fuainumera.

O le itu lena o lea e fai ai sina ou inaina i le polokalame lea i aiga fuafuaina. O lea la ua taofiofi ai lava o tatou tagata i le 180,000. Ua ou le ifoa pe ua atoa ea le 30 tausaga o lo o tumau ai lava i lea fuainumera. Na o le tau saviligia atu lava o le sakete o le loomatusa tu ma fai mai, “A, manatusa le aiga fuafuaina.” O le a la le mea o le a fai? O lea tatou te aiga fuafuaina ai lava. E aafia ai foi ma le tatou lakapi, e aafia ai a tatou netball ona e utiuti tagata tatou te filifili mai ai ona o nei mea o aiga fuafuaina.

E fia sau fanau o i ai? *(I le sui usufono mo Faleata Sasa’e)*. Masalo o oe foi le isi o lo o le lava lou sao. O le a faanoemo’e fua la ia Ausetalia o lena e le lava lou sao ina ia toso mai ai le mataupu lea i Samoa nei?

FOFOGA FETALAI: Ua maea le talimi o le sui usufono mamalu. Tulai mai e faaiu mai le saunoaga. E maua isi ou avanoa i mea taitasi ma le autililiga.

Tofa AVEAU TUALA LEPALE NIKO PALAMO: Lau Afoga i le Fofoga Fetalai a o le i faamacaina lau tautalaga, ou te fia talanoa atu lava i le Ofisa o Aoga.

O le a tonu lava le mea ua oo i le Aoga o le Kolisi o Samoa ma Avele? O le mea lea ua tupu, o lea ua fai lava le suega faapitoa mo aoga ia e lua ma o lea foi ua totagi le tupe e sue ai le tamaititi i aoga ia. O le mea na sau ai aoga ia a le Malo, o le mea lea na finau atu ai le Vaega Faupuifai lenei i le system lea ua faatino nei. O lea la ua faatino o lea ua le maua se avanoa o fanau uma lava a le atunuu lea sa i le Year 8 ona ua esese avanoa i ina. Aua e pei o i ina sa faatauva ai aoga. Pe toafia e o i le Kolisi o Samoa ae toafia e o i Avele. O lea ua faamalolo Vaipouli i lalo o le polokalame, a o lea ua toe fai le vaega lea ua toe fai le suega e au ai i le Kolisi o Samoa ma Avele. O le fesili, aisea ua faatino ai lea vaega?

FOFOGA FETALAI: O le a taiti atu le Ministia. Tulai mai lau Afoga i le Ministia e saunoa faamalamalama.

Afoga Hon Magele Mauiliu: Faafetai lava mo le avanoa lau Afoga i le Fofoga Fetalai. O fuafuaga a le Malo e le o ni fuafuaga na fai ananafi. O fuafuaga ua leva ona faafaaitia mai, ou te masalo o lea foi e silafia e le sui mamalu le avatu lea o aoga ma faaleleia aoga i tua.

**Tulafono Tau Faaofi o le Faatautaina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

E le gata la o aoga tulagalua ae faapea ma aoga e i ai kolisi ina ia taofiofi ai fanau ma alo o le atunuu i le malaga mamao mai i Apia ma tutupu ai isi faalavelave e le tatau ona oo i ai fanau.

E le o se mea faigofie foi aua sa ou aoga foi au i Apia, e le o se mea faigofie le omai nonofo i aiga ese i Apia. O le mea lea sa fuafua e le Malo, pau lava le fofo o le mea lea ia faamalosi mai a tatou aoga i tua. O lea la ua faasavali lava le polokalame a le tatou Malo, ma o lea foi ua mautinoa le malolosi mai o tatou aoga, faatasi ai la ma le tuu atu o tatou aoga i tua e pulea e mea o trust po o Komiti o Aoga. O lo o faapena foi ona faasavali lenei polokalame. Tapuniga o Vaipouli, na ala ona tapuni Vaipouli o le aoga e tasi a le Malo i Savaii, ona o la e ua i ai le Kolisi o le Itu o Tane Nu.1 e latalata foi i Vaipouli, ma ua matauina foi ua o i ai le toatele, ua pau i lalo le numera o Vaipouli, e \$4miliona latalata i le \$5miliona sa faatino ai lena aoga i na tausaga, a ua pau i lalo le fuainumera o tamaiti. O le mea lena na oo ai ina tapunia lena aoga ae faasolo ane tamaiti e aoga i o latou itumalo. Ma ou te talitonu o se mea lelei tele. E faapena foi la fuafuaga lea ua oo i ai Avele ma le Kolisi o Samoa, o lo o faasolo foi talatalanoaga, o se taimi foi tuu atu na aoga i tua e pulea i tua e Komiti, ae avatu lava e le Ofisa o Aoga le curriculum o faiaoga.

O le tulaga i a tatou suega, na taofia le suega lea o le Year 8, ua matauina, na pau lava le agaga na fai ai lenei suega, e sue ai tamaiti popoto lava o Samoa e o i le Kolisi o Samoa, tamaiti e pito atu i ai le popoto e o i Avele, ia, o tamaiti e vaivai o ane i Leifiifi. O se mea o le faallogalanu lena mea, ua elitist tele lea faiga faapea ma ua oo lava i le taimi ua tauloto e tamaiti mataupu ae le o malamalama, ina ia maua ai le avanoa e o i aoga nei. Ae silafia e le atunuu, e le faapea ua tautaua le Kolisi, leaga o tamaiti lelei uma lava lea e i ai.

O le mea lea e taumafai atu ai le Malo, o le actuary access ia tutusa uma le maualuga e oo i ai aoga. O lea la ua i ai le manatu, aveese le suega lea o le Year 8 e pei ona masani ai lea e tauva ai, ae ia fai lava le suega ia e fua i mea o matatia ua uma ona faataititia e le Matagaluega o Aoga e fua i ai le tomai ma le level o le tamaititi e i ai, ma ia alu lava le tamaititi ia i lana aoga, o lea e kick in faatasi ma tatou mea ia o zone, lea la ua toe aumai, e le fou foi le zone ia, na amata mai lava i le faaiuga o le 1990, po o le 1998 ea po o le 1997 na amata mai ai, ae o lea ua tatou toe foi lava i ai, ona e o faatasi lava mea ia, e o faatasi lava le faamalosi o tatou aoga i tua ma le faamalosi o le zone ina ia nonofo ai lava tamaiti ia i ina. Ia nonofo lava tamaiti popoto ia o Faleata i Faleata, nonofo tamaiti popoto i Savaii ina ia galulue faatasi e lifi le standard, ae le o le omai fua e tautaua ai le Kolisi o Samoa, ae leai lava ni mea o i le Kolisi o Samoa ia.

O le suega la lea ua fai nei, ona e le i maea le define ina o zones, lea la ua i ai loa le manatu, se i toe fai lava le suega lea mo e lava o la e naunau e fia o i le Kolisi o Samoa, se i o i ai mo le tausaga lenei e tasi. I le faaiuga o le tausaga ua uma tatou zone ia, ona tatou faapea lea, o le isi vaega o le zone lea e o i le Kolisi o Samoa.

Tulafono Tau Fasaofi o le Faatatauina o Tupe Faapoopoo (Nu.1)
2014/2015 – felafolafolaiga i luga o le faitauga faalua

O le isi zone lea o outou i i, o lea foi e tilotilo i le mea o le shared zones a e felavasai zone, o lena foi e tilotilo i lena mea ina ia maua ai la le tulaga lea e i ai, e le toe i ai ni suega i aoga ia, o i latou lava e i le zone lea, agai i le Kolisi, o i e o i Faleata. O le taunuuga o ia mea, ia lelei uma lava aoga, aua ne i faapito i se aoga e fasi, e nonofo alo ma fanau i le mea e nonofo ai, mafua ma matua, leai ni faavelave e tutupu ai, ma fesoasoani matua i aoga. O lea lava ua atagia i suega le mea lea e taumafai atu ai le Malo, ua manata lava a tatou suega mai tua, amata mai lava i lalo i le primary school. O le Year 8 lea na fai ina ua sui le faiga, o le tamaititi lea na sili ina ua sui le faiga, o le tamaititi Savaii. Ia ua outou vaai i ai i le manata, ua aveese le suega lea na fai e filifili mai na o le au popoto e o i le Kolisi sosoo atu ai ma Avele, a o le mea lea ua i ai, o lea e taumafai ia popoto uma fanau a le atunuu, tuu le au popoto i Savaii e atiae uma Savaii, aua le toe omai fua i i e tautaua ai le Kolisi o Samoa. Ia, o se faamalalamaga lea faafetai.

FOFOGA FETALAI: Malo faafetai. O lea ua malamalama le fofasaga a le Afioaga i le Minisita, ua maea lou taimi ae tula mai e faaiu mai le saunoga, ua tatou tulalata foi i le tatou taimi malolo.

Tofa AVEAU TUALA LEPALE NIKO PALAMO: Faafetai i le Afioaga i le Minisita mo le faamalalamaina o lea vaega, ae masalo foi e le o se vaega fou o le vaega ua leva ona faataitia mai, ma e talia foi e le sui usufono le vaega lea, ae pei o le agaga lea na ala ai ona fesiligia le vaega lea, po o le a tonu le mea o le a oo i ai aoga ia aua o lea ua toe fai suega. O lea ua saunua le Afioaga i le Minisita, e i ai lava lou lagona, e tatou ona aumai le tamaititi lea na sili i le Year 8 e ave i le Kolisi.

FOFOGA FETALAI: Malie le sui usufono ua uma lou taimi.

Tofa AVEAU TUALA LEPALE NIKO PALAMO: Avea ia lenei avanoa e momoli atu ai le faafetai tele i lau Afioaga i le Fofoga Fetalai, e ui lava ina utiuti le taimi ae i ai nai vaega ia e fia talanoa ai, ae momoli le faafetai i lau Afioaga i le Palemia ma le mamalu o le Kapeneta mo galuega, aemaise foi sui usufono mamalu o Ofisa taitoatasi, Susuga i Alii Pule ma Tamaitai Pule o Matagaluega ma Faalapotopotoga, malo lava le galulue, o lea ua manuia le tatou Malo i a outou galuega. A i ai foi se faamatalaga ua sala i la outou faafiofoga, ia malu ave i fale so outou finagalo, o motugaafa lava ia a Faleata Sasa'e. Ia manuia le tatou Fono.

FOFOGA FETALAI: Malo faafetai i le saunoga a le sui usufono mamalu. Ona o lea ua tatou taunuu i le tatou malologa masani o le taeao, o le a faataitia ese Galuega o le taeao mo lana malologa masani o lenei taeao.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

Na faataatia ese Taualumaga a le Fono Aoa mo lana malologa masani i le itula e 10:45 i le taeao ma toe faaauau i le itula e 11:26 i le taeao.

FOFOGA FETALAI: Ou te talitonu o lea ua maea le palega auau o le taliga o le sua i lenei taeao. E momoli atu le faamalo ma le faafetai i le paia ma le mamalu o le tatou Maota, ou te talitonu o lea ua tatou taunuu i le vaega lona lua o lenei aso. E pei lava ona faatalaauula atu i le taeao ua sola ma le itula analeila, le paia e o le tatou Maota Fono, e manumanu tele i le tatou taimi ma le faatulagaga o le tatou galuega. E tatalo atu ai pea ina ia lava faapalepale i tuleiga ma saunoaga, aemaise foi o le taoto tonu i le ogatotonu o le moa o le ala e ala i le tatou Tala o le Tupe e manino ma malamalama ai foi tulaga o le taumafai mai o saunoaga a sui usufono mamalu ma le taumafai foi o le tatou Malo e tali atu.

E faia le tatou malologa ua maea ona saunooa le sui usufono mo Faleata Sasae, ia, ma e toe tuuina atu le avanoa lenei i se sui usufono e toe fia saunooa. Ia, tulai mai se tasi o sui usufono mamalu mo Falealili, Tofa Tusa Misi Tupuola.

Tofa TUSA MISI TUPUOLA (Falealili): E momoli atu le agaga o le faafetai tele i lau Afioga i le Fofoga Fetalaia mo le avanoa foi o lenei sui usufono o lenei itumalo. E momoli atu foi le faafetai i lau Afioga ma le mamalu o le Matagaluega o le Ofisa o le Fono, o lea ua palega auau le taliga o le sua i le malu taeao i le Afioga i le Palemia ma le Kapeneta aemaise o le mamalu maualuga o le Palemene i lenei taeao auu foi se faamalositino i feau o tofoe o lenei taeao ma le aso.

A ua ou tulai atu lau Afioga e fia fai foi se manatu puupuu o lenei itumalo i le tatou Tala Faatatau Faaopoopo o le Tupe e pei ona taatia nei i le Laulau a Fono. Lau Afioga, masalo o lea ua maea ona paelago paia ma sa ma faigata o le atunuu, aemaise foi le maualuga o lenei Palemene o le Fonousu a le atunuu, ae ou te manatu o le a le toe oo i ai se matou faamatalaga. Ou te fia faatalofa atu i le paia o lou itumalo o Falealili, le paia maualuga i le afua mai i Failolo'u i Sasae seia paia Iliiii i Sisifo, o le paia lava lea au le Alaalagafa ma la oulua nofo a Tulafale ma le Tauagaeseese ia te oe Falealili. Malo le tapuai, malo foi le soifua maua ma le lagi e mama ua tatou auia mai lenei tausaga fou i le alofa ma le agalelei o le tatou Tama o i le Lagi.

Ou te faatalofa atu foi i le paia maualuga i le tapuaiga a le Aufaigaluega Paia i lau Susuga i le Tocaina Faatonu, Susuga Tunumoso Iosia ma le Faletua ia Susana, faapea foi le Failautusi o le tatou Pulega i Falealili, Susuga Amosa Vaetoe ma le Faletua ia Punipuaa, aemaise o le paia maualuga i le Aufaigaluega Paia a le Atua ma o outou Faletua i so o se fatafaitaulaga i totonu o le tatou itumalo. Malo le soifua maua, malo le foiaua, o lea ua tatou auia mai lenei aso o le amataga o le tausaga fou, ia tatou faafoi pea le viiga ma le faafetai i le Alii.

20 IANUARI 2015

**Tulafono Tau Faaoifi o le Faatatauina o Tupe Faapoopo (Nuu.1)
2014/2015 – faafolafolaiga i luga o le faifauga faalua**

Malo le tatalo, faatfai foi i la outou tapuaiga ua manuia ai faiva o sui usufono o le tatou itumalo i le Afioega i le Minisitia aemaise foi o lou sui usufono faatauvaa, e tusa o feau ma galuega ua tofofi ma galulue ai i totonu o le Palemene o le tatou atunuu.

Ae ua ou tulai atu ma le faaalalo i lau Afioega, o Falealili lava ia e lagolago i so o se mea. O le Tala Faatatau Faapoopo foi o le Tupe, e lagolagoina lava e lenei itumalo, ma ou te talitonu ma manatu le itumalo, e le o lava ia Tala Faatatau Faapoopo. E tele ma anoanai mea o lo o manaomia e Matagaluega ma Faalapotopotoga, ae ua tatou faia lava le upu e masani ai, o le a lua lava le ofu i le fasi ie e mafai ona tatou fuafuaina, aua foi le faamaeaina o lenei Tala o le Tupe pei ona tatou pasta i le tausaga ua tuana'i.

O tulaga uma la pei ona tulai mai lau Afioega ma le mamalu o le Palemene, e lagolagoina lava e lenei itumalo fuafuaga uma. Na pau lava nai mataupu laiti ou te fia oo i ai lou sui usufono, ona o le tulaga lava ua tulai mai o le tumutumu o le tatou tauilaga i lenei vaitau, aemaise o le tele foi o nisi o faalavelave ua tulai mai e aafia ai meatotino a le atunuu, e pei foi o lea ua aumai i totonu o le Tala o Tupe le tulaga i le tele o nisi o faalavelave o lo o tulai e aafia ai taavale a le tatou atunuu po o le Malo. O iau fautuaga ma le tuualalo a lenei itumalo, pei o lea ua vaavaai atu ua le toe faia foi a tatou polokalame faaleaoga mo avertaavale. O le defensive driving course sa amata lava ona tatou amata mai ai, ma maua mai ai si suiga lafiti o uiga o avertaavale, ae pei ua fuai foi ona toe fai, ua toe foi lava la i le mea tuai. Na o se fautuaga ma se tuualalo a lenei sui usufono, e fatosagaina ma le faaalalo a outou Afioega i Minisitia o le Kapeneta, ina ia toe faatau pea ona toe fai la tatou polokalame lea, aemaise o Ofisa Sili o Pulega i lalo o la outou vaaiaga, ina ia faamalosia pea le toe faia e le LTA o a tatou polokalame ia, aemaise lava le tulaga o le faatinoga o a latou galuega i taimi pisi aemaise foi o le taimi vevesi ua i ai, aemaise foi o lenei tausaga ua tatou amatatia.

Ona oo mai lea o sau faamatalaga i le tulaga o le asu, le malosi o le smoke emission, lea ua tatou vaavaai i luga o auata tetele, ona ua fatupulaia pea le tele o taavale afi, o si au fautuaga lava ina ia maua pea fesoasoani, o lea ua ou maua se faamatalaga e faapea ua le toe maua se fesoasoani mai nisi o Faalapotopotoga sa masani ona latou faatupaina polokalame nei, o le aumai lea o masini nei e mafai ai ona pue le asu, aemaise foi le faatupega o nisi o a latou polokalame pei ona ou talanoa atu ai i le amataga i le tulaga o le faatinoga o polokalame ia lau Afioega ma le faaalalo. Ae e tatou lava ona toe maua nisi seleni mo le faatinoga o galuega ia a le Pulega o Felauaiga i le Lauelele, aua lava le faaleleia atili o tulaga ia pei ona aafia tele ai si o tatou atunuu i le kasa ona lea o lo o maua mai i afi o taavale afi. E le gata ia i lea lau Afioega ma lou faalalo, a o le tele foi o nisi o avertaavale pei e le o lelei, e le o lava ma atoatoa lo latou silafia i le avertaavale i luga o le auata, na o le tutupu mai ai o faalavelave ia e tulai mai.

Ona ou oo mai ai lea lau Afioega i le Foroga Fetala'i, na ona toe faamanatu atu i lau Afioega i le Minisitia mo Punaoa Faanatura ma le Siosiomaga.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

Se i toe silasila ane i le talosaga a lenei nuu na avatu lava i le 2011, a o lea o le a uma le tatou Paeaiga ae le i maua lava se tulaga o i ai, ae ua aafia tele lo matou laueleele i le vaega o lo o i ai le vaiinu o lenei nuu, o le a amata ona aafia i le maualuluga o le sua o le tai.

Ia, pei na o le pau ia o nai mataupu lau Afioa ou te tulai atu ai, a o le tulaga o le Tala o le Tupe, ua lagolagoina e lenei itumalo. Ia manuia tele le Fonousu a le tatou atunuu, ia manuia foi le sagai atu i fuafuaga totoo o lenei Fonotaga a le Palemene. Ia manuia tele le tatou Fono. Soifua ma ia manuia.

FOFOGA FETALAI: Faafetai saunoa i se tasi o sui usufono mamalu mo Falealii, Tofa Tusa Misi Tupuola.
Ia, ua avanoa le tatou Maota mo se isi sui usufono e fia saunoa. Ia, tulai mai le sui usufono mo Aleipata Itupa i Luga.

Tofa FAGAAIVALU KENRICK SAMU (Aleipata Itupa i Luga):
Faafetai atu i lau Afioa i le Fofoga Fetalai e tusa ai foi ma le avanoa ua tuuina mai mo lenei itumalo o Aleipata Itupa i Luga e taumafai atu ai se sao puupuui i lenei Tala Faatatau Faaopoopo o le Tupe.

E muamua lava ona ou faatulou i le Maota nei i Tiafau, o le malae o le faautagatagi a le atunuu, i le afio o lau Afioa i le Palemia ma le mamalu o le Kapeneta, aemaise o sui usufono mamalu uma o le Fonousu a le atunuu. E faatulou atu foi i lau Afioa i le Fofoga Fetalai, aemaise foi o le Taitai o le Itu Agai ma le mamalu o lea foi Itu o le Maota.

Ou te faatulou atu foi i le paia lasilasi o Faaululuga o Matagaluega i tupu ma ee, aua e le faagaloina lava la outou tautua tuavae o lo o lima ma vae i ai lo tatou Malo aua se manuia o Samoa ma ona tagata. O le a ou le toe faloina le afalolua i le paia o Samoa o faafofoga taputapu mai, ae avea ia lenei avanoa ou te faatalofa atu ai i si ou itumalo pele o Aleipata Itupa i Luga, mai Ulutogia, Vailoa ma si ou nuu o Lalomanu. I le afio o lau Afioa i le Tuitua Faanofonofa, affio le Falefia o Alii, affio Amituanai o le Maopu o le Tuiaana, susu i laua Suafa, lo outou toafa o Tootoo, le Igoamatua ma le mamalu ia Saleaamua. Afio foi lau Afioa i le Sao Fetalai, affio le Falelima o Alii ma Alaalamalae ma le mamalu ia Tualemoso ma Saleleaalii. Susu le Susuga i le Sagapolutele o le Tama a le Malo, affio le Matua ia Falanaipupu, le Taofia ma le Usoalii ma le mamalu ia Saoluafata. O paia ia o si ou itumalo o lo o ou tiu ai i upufai o le atunuu.

Si ou itumalo e, tapuai maia ae se i ou taumafai ane aua se manatu o le tatou itumalo aua lenei Tala Faatatau Faaopoopo o le Tupe.

Lau Afioa i le Fofoga Fetalai, e muamua lava ona momoli le faafetai i le Minisita o Tupe po o le Afioa foi i le Palemia e tusa ai ma lenei Tala Faatatau Faaopoopo o le Tupe, aemaise foi o le Ofisa Sili o Pulega o le Matagaluega o Tupe ma Matagaluega taitasi sa faapena ona gapatia i lenei Tala Faatatau Faaopoopo o Tupe aua le faaauuina o galuega ma atinae faauma o lenei foi tausaga faaletupe.

**Tulafono Tau Faaofī o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

E avatu ai foi le lagolagoina e lenei itumalo o lenei Tala Paatatau Faaopoopo o le Tupe. Ma e faamauina foi i lenei vaega o le taeso e fia faamanatu atu foi i le mamalu o le tatou Malo i le mamalu o Minisitā nisi foi o talosaga ma nisi foi sa tatalo atu ai. O le a le aofia lava le tele o le Aiga Kapeneta, ae o nisi lava o le Aiga Minisitā o lo o i ai nisi o talosaga tuua mai lenei itumalo, aua o le tolu lenei o tausaga o lou nei tootoo i Tiafau nei, o taumafai lava... e le gata i talosaga tustitusia, a o le faaleo foi o la e faafofoga mai le itumalo.

Ia lau Afioega i le Minisitā mo Galuega, atonu o lau Afioega o lea e tele ai nisi o manaoga o lenei itumalo, i nisi foi o vaega e fia faaleleia. A o le i avatua ni manoga ma se faamanatu, e muamua lava ona momofi le faafetai i lau Afioega aemaise o le Malo i nisi o atinae ua uma ona faataatia i lenei itumalo, aemaise o le auala, e le o toe po matae i le auala e agai atu i Samusū seia pata Lalomanu, o se auala aupito sili lea ona taua mo lenei itumalo i lenei foi vaiiau o le sofiua ma le ola. O lea e momofi tele atu ai le agaga faafetai, o lea foi lava ua faagasolo galuega, ou te talifonu po o le amataga o lenei tausaga ua faapena ona faamaeaina ai lenei galuega tele. A o nai a matou talosaga lava pei ona tuua, o nisi foi o matou auala. Ia na ona tuu atu lava, a o lena e i ina le tofa fetalai i lau faasoa tau utiuti i le tele lava o talosaga a lenei Maota ma le tatou atunuu, o lo o faapena ona tuuina atu i lau Afioega.

Ona ou oo mai lea i le tulaga tau suavai, o le faafrifaui masani lava, ae pei lava ona taatia atu, o le tele o lenei itumalo ua agai i uta i nofoaga maupuepue. E tatalo atu ai i lau Afioega, o la e sologa lelei lava le tatou vai, se i vagana nisi o tairni e faaletonu ai ona faaoga lea o tatou loli vai. Na pau o lea, ae na ona faataatia atu, manaia foi le auala fou lea ua i ai ae faataatia ai ma se paipa, e pei e faigofo lea i le vaavaai i tua i le tulaga ua i ai le tatou auala. Ae faafetai lava mo le suavai, o nisi o tairni e faaletonu ai, a o le auauaaga lava a le tatou loli vai, o lo o faapena ona lelei.

Ona ou oo mai lea i le Malosiaga Faa-Elelise, malo lava, atonu foi o le tulaga o i ai a matou moli auala, o le tele o moli auala ua le o toe ola, ae tatalo atu lava ma le agaga faalotalo, o le vai tairni o le kerisimasi ma le tausaga fou, sa tumutumu foi lenei tafa o le atunuu i Malo aemaise foi o tagata tafafao mai fafo, ae o lo o pepe lava matou moli. Sa faafesootai atu lava le Ofisa ae tali mai ua lelei, ae peitai ane, o lea ua goto atu le tausaga fou e le i ola lava o matou moli auala.

O o matou taligalu o lena ua taatia atu foi le talosaga, a o le tatalo lava i o matou taligalu i lalo i le vaega tonu lea sa i ai le pifonuu o si o matou nuu i Lata, o le taligalu fou lava sa faataatia i le tairni lea a o le i aafia i matou i le tsunami. Pe le mafai lava ona toe agai atu se masini e toe amata ona toe laulau mai le maa o lo o faapena ona...ma toe tau faufau ai le taligalu. O lea ua amata ona toe agai atu tagata e toe nofoia le nofoaga lea. A o le aotelele lau Afioega i le Minisitā, faamalo galue, faamalo foi le faasoa e ui lava ina tele tausaga ae talifonu lava e fai aso pea le Alii.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

Lau Afioga i le Minisita o Siosiomaga, faamalo i lau Afioga, o le taligalu lea sa fai atu ai mo le alu lea i tai i Tapaga, na ona tatalo atu lava ma le agaga faaaloalo i lau Afioga, sei sitasila ane i le taligalu lea, ma le lona lua o le loli lapisi, e tasi lea vaega e pei o le a fai ma tuga i lenci itumalo, ona ua le lelei lava le aoina o le lapisi ae ua tele ogaeelele o lo o faapena ona o atu tagata ma lafoai ai le lapisi i le taimi o le po, aemaise o lea ua malos i le atinae tau turisi.

FOFOGA FETALAI: Malie le sui usufono o saunoo se i avatu le avanoa ona o lea ua taua le Matagaluega. Tulai mai lau Afioga i le Minisita.

Tofa Hon Faamoetauloa Lealaiauloto Ulaitino Faale Tumaalii: Faafetai i lau Afioga i le Fofoga Fetala mai mo le avanoa. E tasi le mea e fia malamalama ai lou sui usufono o le taligalu lea e taua po o fea tonu lava le taligalu lea, aua o lea e tau mai le isi taligalu e agai i le pitonuu lea i Lata, ao fea la le isi taligalu lea e aumai ai le talosaga lona lua lea.

FOFOGA FETALAI: Tulai mai le sui usufono.

Tofa FAGAAIVALU KENRICK SAMU: O le taligalu lea e taua, o le alu lea i tai i Tapaga, aua e pei o le taligalu lea e fitoitonu i le Matagaluega, ae sei vagana ia Lata e pei o i sa faapena ona faatinoina e le Matagaluega o Galuega. O le tulaga lava i le lapisi, o le talosaga masani lava a lenei itumalo, pe e le alagatatau lava ona fuafua se tatou lapisi i tua i lea foi itu o le atunuu e faafaigofie mo le atinae tau turisi e lafoai ai le tele o le lapisi, aua sa i ai foi taimi sa agai atu le Matagaluega ma tau fuafua le vaega eleele mo le faamoemoe lea. Ae na ona toe tatalo atu ma le faaaloalo po o le a se tulaga o i ai. Ae momoli tele atu le faamalo ma le faafetai i le tele foi o galuega ma le tau faasoasoa i nisi foi o talosaga. Lau Afioga i le Minisita mo Aoga e momoli atu le faafetai tele a lenei itumalo e tusa ai foi ma le kolisi ua faavaeina i Aleipata po o le kolisi o Aleipata, o le tausaga nei e toa 6 a matou tamaiti o le a ulufale atu i le Lunivesete, e lagona lava foi le faagaetia, o le tausaga muamua lea na tea atu nei, o le tausaga muamua lea o le kolisi o Aleipata, ao le tatalo a lenei tootoo sei alofagia ni nai faiaoga, e pei o nai vaega ia o lea e tau faaletonu, e pei o le tele o tamaiti ia ua faamanuiaina i le Lunivesite e pei sa agai mai iinei i Apia e fai a latou aoga afiafi, o lea ia ua faapena ona faamanuiaina. Ia o le tatalo ia alofagia nisi faiaoga e faasoa atu aua lava le tauleleia o le.....

FOFOGA FETALAI: Malie le sui usufono o saunoo se i tuu atu le avanoa i le Minisita mo Aoga, Taaloga ma Aganuu. Tulai mai lau Afioga.

Afioga Hon Magele Mauiliu: O le fia malamalama mo le tali atu mulimuli. O lea e manaomia ni faiaoga. O a ituaiga faiaoga? O a mataupu? Faafetai.

20 JANUARI 2015

**Tulafono Tau Faaofo o le Faatatauina o Tupe Faapoopo (Nu.1)
2014/2015 – felafolafoaiga i luga o le faifauga faatua**

FOFOGA FETALAI: Tulai mai le sui usufono mamalu.

Tofa FAGAIVALU KENRICK SAMU: Faafetai lava i lau Afioaga, e pei o lau tau faalogologo atu i ai i le komiti o Aoga e pei lava o mataupu o le Iglisi ma le Faasaienisi, e pei o faiaoga ia e manaomia tele ia matou i tua.

Ona faamuliai lea o se leo o lenei tootoo, e faamauina foi le faafetai i lau Afioaga i le Ministia o Leoleo, Palepuipui ma Tinei Mu o lo o faapena ona ou galue i lalo o lau Afioaga, ia faamalo, faamalo foi i le Ofisa o Leoleo mo le tatou tiute mo le saogalemu i tairni o aso Ifaifa, e lagona lava le fiafia i lo outou tautiga e ui lava ina ao ma le po ae na talitonu sa faafino lava o outou tiute, aua lava le solo lelei ma le saogalemu o lo tatou atunuu i ia foi vai tau. O lea e momoli atu ai le faafetai i lau Afioaga i le Ministia ma le Pulega o Leoleo aemaise le loaloa o le Matagaluega aemaise foi i le matou ofisa o le Fuimu, le Aili Pule ma le Ofisa, ia faamalo le galulue i lena tausaga. O a foi ni mea sa faaletonu, e manatia foi lenei tausaga e toe mamati ai, aua le tatou sao mo le tautauina o le tatou atunuu. Ao lau tatalo lau Afioaga i le Ministia o lea lava e talosaga atu lava ma le agaga faataloalo le matou fale lea e nonofo ai leoleo i Lalomanu, e pei ona ou taua o le fale, o le fale tuai o le fale sa faaogaina e tamaitai tausi soifua i aso ia, o lea ua faaoga e malu o le Malo, a tetele timuga e pei lava ona ou taua e alu le vai i totonu o le fale, o lea e talosaga atu ai i lau Afioaga se i silasila ane i le vaega lea. Lau Afioaga i le Fofoga Fetalai, o talosaga na a lenei tumalo ua toe faamanatu i lenei faeao, ia o le toaga lava e tuitui e tatala mai le faitotoa, atonu lava o lea ua alu le fa lenei o tausaga talu ona...ao lenei lava e tuitui.

O se sao lena o lenei tumalo, ae ia alofagia e le Atua lau Afioaga i le Fofoga Fetalai aua le faatonufolauina o le Fonotaga a le atunuu, ia faamanuia foi i le Malo aemaise le Taitai o le Ihu Agai aua foi le lipoitina o upu a le atunuu, faamanuia foi i Ofisa Sili o Matagaluega taitasi i tupu ma ee aua foi le tautauina o si o tatou Malo e ala i tiute ma faiva.

FOFOGA FETALAI: Malo, faafetai saunua i le sui mamalu mo Aleipata Ihupa i Luga. Ao lei avatua le avanoa i se i sui usufono e toe fia saunua, o lo o i ai le polokalame a le Ofisa o Faiga Palota o lo o faagasolo i le aso lenei e tusa ai ma tusi na tuuina atu e fia pueina uma o outou ata ao loma ai le faigapalota tele a le atunuu o polokalame masani e fia faaleleia e tapenapena ai le faamoemoe, ma o lo o i fafo ia sui o le ofisa, o ai lava e avanoa, e le atoa se lua sekone pe tolu sekone faainoia ai le faamoemoe, ae ia tatou lagolago ona o le galuega fai a le Ofisa o Faiga Palota. Ia Matia ma Matia Itua, e lelei le faasolo mai i le tou pito lena, o lena ua soomama mai le tou pito ona faagasolo mai lea i lea itu. Tulai mai.

Afioaga TUFUIGA GAFOALEATA FAITUA (Vaisigano Nu.1): Lau Afioaga i le Fofoga Fetalai. Ia e le i sauni lenei Tootoo ae ua valaaulia.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

E ui i lea, e faatoulu atu i le mamalu o le Fono Aoaofaitulafono a Samoa, lau Afioaga i le Palemia, le Kapeneta faapea foi sui mamalu o le Fono usu a Samoa, faapea foi le Taitai o le Itu Agai, le Sui Taitai ma Minisita o lo o faaoioli mai tao i nai Minisita o lo o galulue i le la.

E avatu le matou faafetai i lenei Tala Faaopoopo (Nu.1) o le Tupe 2014/2015. E ui lava ina laitiiti na o le \$10+ miliona, ae lagona lava le faagaecia ona o le aotelega o lo o i ai le manatu o le Malo e faasaosao tupe faaalu aua lava galuega o totoe i lenei Paeaiga i lenei tausaga. E ui lava ina o le a toe oo foi ia Iuni i lenei tausaga, ae atonu o le a fetauti lea ma manaoga na tuuina atu a o le i faia Faiga Palota o le 2016.

E pei ona i ai talosaga a lenei itumalo, o lo o ua uma ona fai galuega a le Malo, ua uma ona faataaitia e pei ona i ai auala galue a le Paeaiga talu ai i le nuu lea o le itumalo i Vaisala. O le Paeaiga muamua ua uma ona i ai auala galue, a o le manaoga faamolemole e fia i ai ni paipa, o se paipa e agai i uta i auala galue ia e lua, e le gata i le suavai ae faapea foi moli auala mo galuega faaauu pea i totonu o afoaga ma itumalo. E faapea foi i le nuu lea o Auuala, ua uma ona toe fai i ai galuega a le Malo, ua i ai moli ma e manaomia le faataina. E pei ona ou lauga ai i le taimi ua fano, ou te masalo na amata loa lenei lalolagi fai loa le auala galue o le nuu lea. Ua matauina nei, e pei lava na pa ai se pomu, se i tulou lava le Palemene ona ua matua malepe lava.

O le ala lea ua i ai moli, ae manaomia lona toe faataina ia lelei le agai i uta aua lava le fofoga taumafa aemaise le tautuaina o le atunuu pe a lava le faasoa, faatasi ai ma le auala o le aoga tulaga lua a le nuu lava lea e tasi, masalo pe na o le 10mita pe 20mita e faapena ona manaomia le toe faalelei o le auala agai i le aoga tulaga lea.

Ona oo mai lea i si o matou nuu i Asau i aiga ma Salafai, e pei ona tatalo atu muamua sa i ai foi le auala ua uma ona faataatia e le malo le auala galue i Ogaala, ae tatalo atu i se paipa e alu agai i aiga ia, ua feoololo foi aiga ua nofoia uta e agai i ai le auala galue lea, ao le taimi nei o lo o asu vai pea, e matua manaomia lava ni paipa, faatasi ai foi ma le taligalu e pei ona avatu i le amataga toefititi lava afa le taligalu i le aia i le sami sei tulou, o lea la ua uma ona fai taligalu i le va lea o Asau ma Auuala, ao le faalavelave la e i ai i le taimi lenei e auala atu ai le talosaga, o lo o pogisa, e tele le faaogaina o le auala lea i le leva o le afiafi, a le faamalalamaina le auala ua atili ai ona i ai nisi soligatulafono ma aafia mai ai le faamasinoga ma iu atu ai i Tafafaga, o le tatalo ua leva ona tuuina atu e ala atu i lau Afioaga, e ui lava ina laitiiti le Tala Faaopoopo o le Tupe na o le \$10miliona, ae tuitui pea e pei ona saunou lou uso a tuaoi mai Aleipata Itupa i Luga e tuitui pea le faitotoa o a outou Afioaga, atonu lava e taulu taulu ona matala mai lea o le faitotoa.

E faapea foi i le auala lea e oso atu i tai i Utuloa lea e i ai le faletalimalo e pogisa foi le auala lea, e pei foi ona tatalo muamua i ni moli e faamalalama ai, faapena foi i gatai ifo laitiiti o le uafu e pei ona ou tatalo atu, e i ai nai aiga na sa i ai iina na i ai le latou auala taavale, ao le taimi lenei ua alu ai le matafaga.

20 IANUARI 2015

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – faafafolafoaiga i luga o le faitauga faalua**

Ou te masalo o le siosiomaga e ona le matafaioi lea, ae tatalo pea ma tuitui atu, e faapea foi i lau Afioega i le tamaitai Minisita, mo se fale faamasino mo lea itu o le motu, e faafafogofie ai foi le auunaga, ma le toe tau o mai i Tuasivi po o Apia nei, o le fesasoani atu lea i le Tala o le Tupe, o la foi e faalologo mai lou itumalo, lau Afioega toe tasi o lea ua galo ia te au, ma le TV, o lea ua latalata ona taalo mai le All Blacks ma vae ia o le Fifu, e matamata matamata lava motu atoa mai, i lenei taimi ua tau leai se ata e maua.

O le talosaga lea a lenei itumalo e tusa ai ma lenei Tala Faatatau Faaopoopo o le Tupe.

FOFOGA FETALAI: la malo. Malo le tali valaau i lau Afioega i le sui usufono mamalu. O le nofo a Pule ia e sauni lava i so o se taimi, ae faafetai atu i le tulleiga ma le saunoga.

la ua avanoa se isi sui usufono e fia saunoa. O lea o le a latō i lea itu o le Maota, tulai mala lau Afioega i le sui usufono mo Sagaga le Usoga.

Afioega MUAGDUTTAGATA FAAMAUSILI AUMATAGI PETER AH HIM (Sagaga le Usoga): Faafetai i lau Afioega i le Fotoga Fetalai mo le avanoa, e faatalofa atu i lau Afioega i lenei taeano faapea foi le Afioega i le Palemia ma le Kapeneta, Minisita Lagolago ma le la itu le Afioega i le Taitai o le Ihu Agai ma le latou itu.

E faatalofa atu foi i Lana Afioega Mamalu, O Le Ao o le Maio ma le Masiofo, Sui o le Fono a Sui Tofia ma le Masiofo, aemaise o le Auaifagaluega Paia a le Atua o lo o nofo tatalo aua se manuia o Samoa.

Ia oo atu isi ou itumalo o Sagaga le Usoga le afio Maualaivao, afio le Matua ia Faamausili, afio Sa Maualaivao, afio Seiuli, afio Taito, mamalu o pou e fitu o le fale o le Malietoa ma upu ia te oe Auumatagi. Le paia o le Aiga Sa Gaufaleai, vagana o tulafale, lo oulta toalua Fata ma Maulolo ma le mamalu ia te oe Tuisamau. Afio Saena ma le Aiga Sa Saena, afio Alo o Fuatino, afio Tuitua le mamalu ia Tupalisesa ma le fale o le afu Alataua. Malo le soifua maua ma le soifua manuia, faamanuia atu lenei tausaga fou.

Lau Afioega i le Fotoga Fetalai e muamua lava ona momoli atu le faafetai i le Minisita ma le Matagaluega e tusa ai ma le Tala Faaopoopo o le Tupe, ma e lagolagoina foi e lou sui usufono le Tala Faaopoopo o le Tupe.

E faamamua atu i nai manaoga a lou itumalo. Lau Afioega i le Minisita mo Galuega o lo o tatalo mai si ou nuu o Tuanai e fia faaleleia le latou auala, ma e fia faaauau le auala e tau i Aleisa ma toso atu ai ma le molii e tau foi i Aleisa. E faaleo atu i lau Afioega, masalo na faaleo atu muamua, a o le matou galuega lava o le faamanatū ma tuitui atu.

Ona oo mai lea i le matou nuu o Afeega, ua matua faaletonu lava le auala galue o lo o tau atu i Aleisa, masalo foi o le auala lea o lo o i lalo o le tatou Malo o lo o fia faaleleia lau Afioega mo se polokalame o lo o i ai a lo tatou Malo e fia faaleleia le auala lea, faamolemole. E faapea foi ma le auala o lo o agai atu i tai i le tolotolo i Afeega.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

O nai auala i Malie lau Afioa, faafetai tele lava, e toe momoli ai foi le faafetai i le auala ua maea ona fai, ae o lo o i ai nai auala o lo o fia faafino, na faaleo muamua foi ae manatia foi le toe faaleo, o le auala i Vailoa, o le auala i Vaifoa, o le auala lea e fia sosoo atu i uta e tutusa ma le auala lea sa fai nei i Malie e fia sosoo atu i Nuu e alu atu i uta i fanua fou o lo o i uta i Nuu, ma le tatou auala i Vaitoelau i le agai atu i gauta o Afega i le va o Afega ma Malie. O nai manaoga na o lou itumalo lau Afioa e le tele na o auala galue lava e toe fia faamanatu atu.

Lau Afioa i le Fofoga Fetalai a o tau mafaufulau nai mataupu e faaoga ai foi le taimi e talanoa atu ai e tusa i mataupu e aoga lautele mo le tatou atunuu. Lau Afioa i le Minisita o le EPC ma le Pulega o le EPC. E matau atu ma le totoa i lenei vaitau ua pau lava le tau o le tatou suauu, masalo pe uma ifo le afa o lenei tausaga e le iloa po o ua \$10 po o ua \$20 i le paelo le paelo lea suauu, ma o se tulaga e faafiafia ai tatou aua o le tulaga lena sa matauina sa taugata ai le tatou paoa. Ia ae o le a se finagalo o le tatou Pulega lau Afioa i le Minisita, pe le i ono aveese ia le tatou surcharge aua o lea ua pau le suauu sa taugata ai a tatou afi kiso o lo o faaogaina nei – ma e talitonu foi i le matau atu i le tulaga o lo o i ai le lalolagi ailoga e toe foi i luga le suauu, o le alu atu lava lea i lalo e le iloa pe tufa fua mai le suauu ia tatou, ua tele le mea, ua sili atu le suauu o lo o maua i Amerika i lo o....

FOFOGA FETALAI: Malie le sui usufono mamalu, se i tuu atu le avanoa i le Afioa i le Minisita, tulai mai lau Afioa i le Minisita mo Galuega, Felauaiga ma Atinae Eseese.

Afioga Hon Manualesagalala Enokati Posala Lau Afioa i le Fofoga Fetalai, e pau lava sina faasaoga ona ua leva ona leai se surcharge, ua toe i ai fetuunaiga lea o lo o galulue ai lea e i ai le pili i le taimi nei, o le pasene foi lea e faaagaaga mo le suauu, ia o le tulaga lava lena e i ai, a alu i lalo le tau o le suauu ia ua faapena foi ona pau i lalo, a o la e galulue e pei ona ou....ma le vaega a le Pule Faatonu ia le tau e toe faatulaga ai i lenei tausaga mo le isi tolu tausaga, ma le faaloalo.

FOFOGA FETALAI: Malo. Tulai mai le sui usufono e faaauau le saunoaga.

Afioga MUAGUTUTAGATA FAAMAUSILI AUMATAGI PETER AH HIM: Faafetai i lau Afioa i le Minisita, ia faafetai pe afai ua aveese le surcharge, ia afai foi o i ai nisi mea i autafa ane o lo o faataugata ai a tatou pili o le moli, faamolemole lau Afioa se i silasila ane i ai ma le mamalu o le tatou Pulega. Pei o se talosaga lena na o nai mataupu sa tilofilo i ai, o le a se mea e mafai ona talanoa atu ai ia tulaga mo le manuia lautele o le tatou atunuu, ae a faapea o lo o galulue i ai le tatou Pulega i lea tulaga, ia faafetai tele i lau Afioa i le Minisita.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafolaiga i luga o le faitauga faatua**

Ona ou oo mai lea lau Afioaga i le Matagaluega o le Soifua Malotoina, faafetai i le Minisitā ma le Pulega. Ua matauina i le TV ua tele ia faauliiloga i tulaga i mea e afua mai ai ia mai esese, tulaga o le masima faapea foi le suka ma le aua le soona tagoʻfia le pia, ma le tulaga la tau le sikareti, faafetai o lo o....aemaise lava le tulaga lea i le masima. Pau lava sina mea e fia malamalama ai lou sui usufono nei pe fia fautua atu foi i le tatou Malo, o le tulaga o le mea lea o le faauliiloga mai o le pia e ono feoti ai se i tulou ia o tatou tagata pe a soona tagoʻfia, ona uma lea ona faauliiloga mai ia se Ad po o se faauliiloga mai i se inuga o tagata ua aafia i le pia, ae mulimuli ane toe faasau foi ia Ad a le au falepia, le manaia o lau faalogaona i le manaia o le mea e tupu ia oe pe a inu le valilima pe inu le tauia, ia ua fai nei tauvaga i luga o le TV, pe le o felefenai lea. A silasila foi i le tulaga o le sikareti, ua faasa motu lava le sikareti ona toe fai mai se Ad i luga o le TV. Pei o lau matau ua ata le foliga lelei, le mea e oo ia oe pe a ova lau ulaula sikareti, ae le o faatagaina le kamupani sikareti e fai mai sana Ad manaia i le faalogaona e oo ia oe pe a e uia i le sikareti. O le tulaga le paleni lena lau Afioaga o lea ou te matauina i luga o....pe a fua mai i Tulafono po o fea e afua mai ai, ae pei e foliga mai e le o paleni ia le mamaʻfa o le faasalaga o lo o ave ia po o le puipuiuga o lo o ave i le sikareti ia faapena foi ma le pia. Aua e matau atu, e le iloa pe sili atu le toatele o nai o tatou tagata e aafia i le pia i lo sikareti. Ia pei o se manatu na lau Afioaga po o fea o tauto ai le transparent o le Tulafono ina ia faasa sikareti ona advertise i le TV ae faataga le pia, a o ia foi e sau ma le Ad e aafia tele le tagata i le pia, faafetai foi i le Ad a le Matagaluega o Leo leo o lo o fautua mai, ia aua ne i soona tago i le pia, ae a sau le Ad foi lele a le auvaga o lo o faia le pia, oka, na o lo ta fia inupia mai lava i le ao e tau i le po.

Lau Afioaga pei o nai mataupu na sa avatu ai se manatu, e aoga foi e faatupu manatu. Ae manuia tele lau Afioaga i le Fofoga Fetalaia, lau Afioaga i le Palemia ma le Iu Agai ma lenei Maota, ia manuia le Fono.

FOFOGA FETALAI: Malo saunua. Ia o lea ua maea le saunoaga a le sui usufono mo Sagaga le Usoga, o lo o ua avanoa le Maota mo se isi sui usufono e fia saunua.

Tulai maia le sui usufono mo Faasaleleaga Nu. 3, tulai mala e faaitu mai saunoaga a lena itu o le Maota.

Tota TULILEUTU ALAVAA VOI (Faasaleleaga Nu. 3): Faafetai i le avanoa ua maua lau Afioaga i le Fofoga Fetalaia e faapea foi le paia o lenei aso. O lea ua tauto le fiso ma ona lau aua le faafiofoga a le atunuu. Le paia o le Maota i lau Afioaga i le Fofoga Fetalaia faapea foi le paia o le aʻfio o le Palemia, le Sul Palemia ma le Aiga Minisitā, le paia o lena itu o le Mala e ma lena itu o le Malu, faapea foi lenei itu i le aʻfio atu o le Taitai nei, le Sui Taitai faapea foi lenei Vaega Faaupufai o le tatou Maota. O Taitai o Samoa e tasi.

**Tulafono Tau Faaofi o le Faataatuuina o Tupe Faaopoopo (Nu.1)
2014/2015 – felafolafoga i luga o le faitauga faalua**

O lenei taeao, e muamua ona ou faatulou atu aua le faafofoga a tupu ma eē, mai ao seia oo i ona iu mai Lana Afioa Mamlu O Le Ao o le Malo faapea foi le Sui Ao, le paia o Aiga e fia, Aiga o Tupu, Aiga o Nofu, Aiga o Papa, le Usoga ia te oe Pule ma Tumua, Ituu ma Alataua, Aiga i le Tai ma le Vaa o Fonoti. Ia taoto ia lea itu o le tapuaiga. A o lenei taeao, e muamua foi ona ou faapai i si ou itumalo aua oe le Aiga Taulagi, le Aiga na tau i le Lagi, e taulagi lava ou mea uma, e oo lava i ou maota e taulagi, o ou malaefono e taulagi, o ou tupua tausī e taulagi, o au tautalaga i lau tapuaiga paia ma lau tapuaiga mamlu, i le afio o lau Afioa i le Tuiatua Faanofu i lau Afioa Tofa ma lou Aiga, e faapea foi le Susu o lau Susuga Sua o le Maopu o le Taulagi, le affio o Usoalii faapea foi Alo o Vaafusuaga ma le mamlu ia te oe le Falefitu, ma oe i lena itu o le Salemuliaga tofi, e te afio i Vaiana faapea foi maota e fia e afio ai lau Afioa Vaafusuaga faapea foi le Suafa Tea, le paia o Aiga ma Usoalii na, le falelua ma e na paea te aufono, o le pule a Leuu faapea foi oe le Matua Fetalai, lau fetalaiaga Segi.

Talu ai ona o le pito i Faga, affio o alii o le Toaono, le Taulagi ia Vaafusuaga ma Toleafoa le paia foi i usoalii taua, tainane le alaalfaga aua lo outou toafa ia Pini ma Vaisau, Fiso ma Tapuala ma le tagata o le aava, Salemuliaga ma oe le Faleaana, i lena siu o le Faga. O paia na o le ta itumalo e le toe vaea.

E faapea foi le eetai ma susu ai o le aufaigaluega paia i le susu o lau Susuga i le Toeaina ma le aufaigaluega mamlu, latou te lufilufi latou te faapoipoi latou te amiami se manuia o Samoa, se manuia o le tatou itumalo aemaise o le agaga ma le galuega a le Atua.

O lenei la aso, ou te tulai atu ma ou faapea atu, o le Tala o le Tupe, ua tatua ma onomea ma lelei, e leai foi se tasi e toe aleu, aua o Faigamalo e maseese, se i vagana le tofamamao, vagana le tofa malamalama i le taitaiga a le tatou Malo i ona tulaga aua le atiacina aemaise o le fefaasoaina, aemaise o le palepalega ma le... i lea taimi i lea taimi, o lea ua tatou aulia mai. Faafetai ua tatou aulia le tausaga fou, ua tatou faataumuava, toe tasi lava le gaga tatou laasia le faaiuga o lenei Paeaiga. E momoli ai le agaga faafetai tele. E ui i lea, a le fatia le sa ma folau, tatou te le iloa le malamalama ma le faamaoni o mea. O lena ua tatou oo mai i le toe tausaga lenei o le tatou Paeaiga, e momoli atu le faamalo ma le faafetai i tulaga sa taumafai mai ai i tulaga uma, aua le tatou Malo. Ona faapea ai lea o nai fatuga ma nai fatiga ma nai fautuaga, lau Afioa i le Palemia aemaise foi le Aiga Kapeneta, e fai foi o le nofo i puna, ae fai foi o le tofu i puna ae o le nofo i tuaoa, e pei o lea upu. E le vaivai ai tulaga o le sailiga o le Malo. E ui lava i le tele o mea e fia faaleleia, tele mea e fia avatu ai nai fautuaga aua si o tatou atunuu. O le vaiaso na tea nei na i ai nai faalavelave, le faalavelave na tupu i Savaii, ma ua mataitu pea le tilotilo i aafiaga o le soifua ma le soifua le faamaoni i tulaga o faalavelave. O le taavale a le Ofisa o le Vai na afia ai ma nisi, a ua mataitu foi le tele o mea, aemaise lava Matagaluega lea ou te matauina, tulouna le faafofoga a Matagaluega ma outou, a le o le EPC, o le Falemai, o le Palama, Ofisa o le Vai ma Leoleo, e tilotilo mamao, o aseta a le Malo.

**Tulafono Tau Faaofi o le Faatatauina o Tupe Faapoopo (Nu.1)
2014/2015 – felafolafolaiga i luga o le faifauga faalua**

E faapea lau tilitilo, aisea e faapea ai ona fai? O uiga o le soifuaga ua tulai mai nei, ma ua le ufuva lea mea i le tulai pea, i le Paeatiga ma lea tausaga, e le tulia foi le tele o faalavelave tutupu, a o le fautuaga i Taitai aemaise foi o Ofisa Sili o Pulega ma Pule Sili, aemaise foi o a outou Afioaga i Minisita e fitoitonu i ai lenet mea, e leai, e manumau le vaai, afai e taurno si o tatou atunuu, e faapena foi le lagona. A tilitilo foi i nai mea foi o le sitaga o lo o ua i ai nei le taunafai atu, e le tuua le si, a o le magoto, i lea taimi i lea taimi, o lena ua fua atu le sitaga e le gata o le Falemai, sitaga o... e faapena foi ia mea, i Femalagaiga ma mea uma lava, e pei ona talaroa atu, e le taofia mea lelei ina ia tatulaga, ta le isi tulaga pipii atu i le isi tulaga.

O le tau o oloa, o le vaiaso na tea nei na \$95 ai le tau o le pusa moa, ae o lona lua mai le gasologa, o mea e faateia ai le vaivai ma le lofia o le tatou atunuu, po o le a foi se fuafuaga i tulaga o le sitaga i lea mea ma lea mea tafitasi ua oo mai. E vaai lava ma le agaga pe aisea ua masti ai faapea, aemaise o a outou Afioaga i Minisita o lo o feagai ma ia mea, aemaise foi o le sitia o le tau o oloa, ae le tuu ai le tauiologolo, leaga e le faamaoni foi le faioloa latou, e pule latou i le tau o a latou oloa, ma e le o malosi foi lea tulaga i le tau ti ti ta ta i taimi uma. O le soifuaga ma le tulaga, e aau lava... i le soifuaga o le tatou atunuu, e lelei mea uma, e leai se agaga. Ae na pau lava lea o le matou tulai atu ma le agaga faaalalo, e moomia foi e lenet itumalo pei ona momofi atu i le Afioaga i le Minisita mo Galuega, o lo o i ai se agaga faapena, e moomia nai auuala galue pei ona falosaga atu. O au lenet e feagai ma le nuu i aso uma, e tilitilo, e le fuafasi a mea o lenet itumalo, e vaai pea e fia maua e lenet nuu ni auuala galue. Faafetai o lea ua muamua le matou auuala lea i le listi o lenet tausaga, e pei o Saipipi ma Saasaai, faafetai tele ua moomia se faapoopoga. E pei o le auala lea i Salimu lea na faapaia foi po o le 2010 ea, lea na fai e le isi konekarate lea e le lelei, ua tafua uma pei lava o le mea tuai. O le mea lea o le le faamaoni o e togia ma faasolosolo mai ai i si matou nuu i Faga, Luua, Malaeifiga, Sapini, e tatato atu lava ma le agaga faaalalo ia alofagia.

O lenet aso, e le marmao foi se matou leo, a o le agaga faamalo i le Tala o le Tupe ua faapoopo mai, pau le mea ia tatou saunia lenet tausaga i fuafuaga aua le tatou atunuu i lau Afioaga i le Taitai faapea foi le Aiga Minisita ma le mamalu tele o le Fono a Samoa i lau Afioaga i le Fofoga Fetalai, aua taualumaga o toeaga o lenet tausaga. Na pau lava le agaga ia molimau se faaloga o se mea. Aua o upu moni, se o le iuleo o le alofa e iloa ai galuega lelei, ioe, a o lenet aso, matou faamalo atu ma faafetai atu, ia jillu mata matagi lelei tatou te folau ai i le toe tausaga lenet o le Paeeiga. O a foi fatia ma tulaga, leai e le uma mea tutupu i lena tausaga ua mavae, tatou ave pea le faamanu ma le faamalo i lo tatou Matai o le o lo o tatou folau ai.

Ia alofagia le mamalu o le Maota, alofagia le tapuaiga a Samoa, ia tatou folau ia i lagima aua lenet tausaga ma ona fuafuaga. O le matou faapoopo atu lea i le Tala o le Tupe ua tuuina mai, ia manuia le tapuaiga a le tatou atunuu, manuia foi Ofisa Sili o Pulega ma Pule Sili o Matagaluega ma Faalopotopotoga a le Malo, manuia le Fono.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

FOFOGA FETALAI: Malo faafetai saunoa i le sui usufono mo Faasaleleaga Nu.3. Ia, faafetai i lou sao taua ma fautuaga ua tuuina mai i le tatou Malo e ala i le tatou Tala o le Tupe. Ia, o lo o tele lava le tatou taimi, masalo e maua ai nisi tootoo se toatolu ae tatou te le i malolo i le itula e tasi. O se isi sui usufono e fia saunoa?

Ia, tulai maia oe se tasi o sui usufono matua o lea Itu o le Maota. Tulai mai le sui usufono mo Gagaemauga Nu.2.

Tofa LEVAOPOLO TALATONU (Gagaemauga Nu.2): Faafetai i lau Afioaga i le Fofoga Fetalai mo so matou avanoa.

Ou te manatu ua manino tulaga uma i le Tala Faatatau Faaopoopo o lenei Tupe, ma e le o se mea tele foi. E tele foi nai fesili, ae o le a tuuina atu i le taimi e auiliili ai le tatou Tulafono Tau Faaofi ona e faaeteete i le tulaga faalauaitete.

O lenei taimi lau Afioaga i le Fofoga Fetalai, a o le i avatua foi ni nai motugaafa a lenei itumalo, e avefa foi lenei avanoa e momoli atu ai le faafetai tele i le Minisitā mo galuega ona ua amata le auala galue o si o matou nuu i Savaii. Faafetai tele mo le taliaina o le talosaga ma le taimi umi sa tuitui atu ai lenei sui usufono i lena foi atinae taua mo nuu ma alaafataga. E pei lava ona fai atu sau faamatalaga, e le umi sa matou faamatalaga na o nai mafauaaga ma se tuuatalo i lau Afioaga i le Palemia ma le Faigamalo.

O le tulaga muamua, na matauina lau Afioaga i le Fofoga Fetalai i lenei taimi le tulaga o le faaogaina o tatou vaalele ia mo femalagaiga, pei ua fai foi si umi o tatou sau ai i le vaega lea o le faaogaina o le Poly Blue ma faiga fou i le faatauina o nofoa, ae pei ua matauina lau Afioaga i le Fofoga Fetalai, e fai sina taugata tele o lea vaega . Pe le tatau ona toe tagai ane i ai lau Afioaga i le Minisitā i lea vaega, aua ua maua faamatalaga, o le route aupito sili lea ona tele ai le polofiti a le Virgin Blue, o le route lea e sau mai Aukilani i Apia. O le tasi la lena o mafuaaga ua ou toe laga ai lea mataupu se i outou toe silasila ifo i le mataupu lea pe le mafai ona fetuunai, ona e le gata i lena, ae o lo o penefiti foi na o e faipisinisi ma i latou e gafatia le tulaga o pasese ae faaletonu tatou, aua e mafai e le aufaipisinisi ona plan lana faigamalaga po o le tolu po o le fa vaiaso i luma atu. E le mafai la ona toe suia ona o tulaga foi lea o le manumanu i le faaletonu o le pisinisi, a o tatou ia e faimalaga i le tulaga o maluu ma nisi faalavelave faapena i Niu Sila ma isi atunuu, e leai la se plan faapena. E pei o le ala tonu lena ua ou fai atu ai, e le o penefiti o tatou tagata i le vaega lea, ae pei e manaia ae toe aumai se tatou vaalele. O lea foi sa ou faalogologo foi, o le mea lea o le Taitai e palaai e fai se mea o le tulaga faapena. Ou te iloa lelei lau Afioaga i le Palemia e le o se Taitai palaai, aumai se vaalele e toe faatino ai a tatou femalagaiga, ma toe atiae ai le tatou atunuu.

O lona lua o vaega lau Afioaga i le Fofoga Fetalai, sa ou taua foi le mataupu lea i le Minisitā o Galuega, i le tulaga lea o le maintenance o tatou auala. Sa ou taua i le taimi lena, a o lea faatoa ou vaai e tofu uma lava kamupani ma latou mea foi nei o compact machine.

**Tulafono Tau Faaofi o le Faataaunua o Tupu Faapoopo (Nu.1)
2014/2015 – felafolafoaiga i luga o le fatisaaga faalua**

Sa alu ai i le taimi lena, o le manania ia. Pe tasi i le lua masina ua ou le toe vaai i ai, ae ou te iloa tou te mataunina sa ou sau i le vaiaso lea na tea nei i le faaitu lea faasolo atu i le afioaga o Malie, e leai lava ma se mea o faia i na mea, na o le laulau lava i talo, vaeatu le paia o le Maota, tata atu i le suo foi lea, ona uma ai lea i ina. E pei o se aga masani foi lele e masani ai, e fai atu loa i le taimi lenei oso fai, ae tuu se i tau levaveva atu foi ona toe foi lava lea i le mea tuai. Na o ni fautuaga e tuu atu i autafa o lau Afioaga. Ae aua o le auatala lea e femalagaai mai ai tatou tagata tafafao mai fafo mai le vaalele, e tatau ona fai faalelei.

O le isi mataupu ma o le mataupu mulimuli foi lea lau Afioaga i le Fofoga Fetalaí, o lea ua agiga i malae le finagalo o le Afioaga i le Palemia i le tulaga o a tatou renewable energy lea foi na saunua i ai le Afioaga i le Minisita, ina ia meet le target lea i le 2017. I lau tilotilo atu ile taimi lenei, toe 24 masina, ae tatau lava ona avatu se fautuaga ma ou faamanatu atu i lau Afioaga i le Minisita, o lea ua ou ui mai i le mea, e fai lava si umi o le process ina o le mea lenei. E lua i le tolu masina e process ai se oka i totonu o le atunuu o Saina mo le materials, ona uma lea o lena, e ono i le valu masina faatoa fau mea o solar modules e fau ai solar panels. O le umi ia o le process lea ou te talatala atu ai, ona uma loa lea o lena, e tasi le vaa i le masina, vaai la i le taimi lea ua alu le tolu masina o lau mai a matou oloa e faatino ai mea ia, e le tatiai uma mai, ona o tulaga foi lea e le na o tatou e faaogaina le vaa...

FOFOGA FETALAI: Malie le sui usufono o lo o saunua se i tuu atu le avanoa i le faauilavea a le Afioaga i le Palemia.

Susuga Hon Tuliapa Fatialofa Lupesolai Aiono Neioti Saliela Maliegaosi: Lau Afioaga i le Fofoga Fetalaí, o lea ua ese lau faamatalaga. A o le taimi na faatulai mai ai le mataupu lenei, o folafolaga ia na aumai pei o le emo o le uila le sau o mea nei. A o lea ua ese le faamatalaga ina ua uma ona avatu le...

FOFOGA FETALAI: Tulai mai le sui usufono mamalu.

Tola LEVAOPOLO TALATONU: Faafetai. Na pau le agaga lea e i ai, o lou alofa atu i lau Afioaga ua alu au faaupuga ma au folafolaga i fafo, ae uma ane faapea Taitai o ia atunuu ua e pepelo.

Susuga Hon Tuliapa Fatialofa Lupesolai Aiono Neioti Saliela Maliegaosi: Lau Afioaga i le Fofoga Fetalaí, e leai sau folafolaga o alu i fafo, na o iinei lea e alu ai folafolaga ia te outou lea e tou te omai ma outou faamatalaga foi nei e tau mai i le Malo, o le tuai lava ona avatu o le laisene, na ona avatu lava pei o le emo o le uila. A o lea o le a uma foi lenei tausauga o la e le i uma la mea e i le malae vaalele. Toe fia masina uma lau....??

**Tulafono Tau Faaofi o le Faatautaina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

Tofa Lealailepule Rimoni Aiafi: Lau Afioga i le Fofoga Fetalai, o le concern na faaali e le sui usufono mamalu, o le mea lea e atugalu ai lona taofi o le aumaiga o oloa mai fafo i le tasi o le vaa. Ia manatua, o lau fesoasoani i le sui usufono, e eseese ituaiga vaa, o le vaa lea ua sau nei e i ai le faasee apa i tua, e faapoopo ia lava lana uta e aumai pe a aumai i le isi taimi. Ma le faaalalo lava.

Susuga Hon Tuilaepa Fatialofa Lupesoliai Aiono Neioti Sailele Malielegaosi: E lelei o lea ua ou malamalama, o lea ua ou malamalama atu i le mea lea, na o le pau lava vaa lea e aumai ai mataupu a Levaopolo, ma o lea e tau vaai atu pei e tau faataata mai foi ni au Saina. E pei e foliga mai na o vaa kalone lava lea e talau mai ai tou mea.

FOFOGA FETALAI: Ia, tulai mai le sui usufono e faaaauu le saunoaga.

Tofa LEVAOPOLO TALATONU: Faafetai. O le agaga moni na ala ai ona ou tolaulau atu le piriota umi lea, e fua i ai le gaioiga a le Palemia i lana folafolaga lea na fai, o lea toe 24 masina, aua e toaono lelei lava kamupani lea ua tuu i ai le faatuatuga o le Afioga i le Palemia, o le isi lima, ua le iloa po o fea o taamimilo ai, semeamanu faapenei ua uma. A o lea ua ou prove ina atu i le Afioga i le Palemia.....

FOFOGA FETALAI: Malie lau Afioga i le sui usufono mo Gagaemauga Nu.2, se i tuu atu le avanoa se i tali mai le Minisita mo Galuega.

Afioga Hon Manualesagalala Enokati Posala: Ona pau le vaega lea na prove nei e Niu Sila i le latou solar lea na faatino, e fa masina na fai ai le 2.2 megawatt, o lona uiga la e le tatau ona i ai se taamilosaga umi tele e tatau ona fua pe a fua i le faatinoga o le galuega lea. O le faataatiaga lea o lea e tatau ona agai i ai tatou vaega uma ia na saina power purchase agreement e tatau ona faatino ai galuega. Ae vagana ona o faafitauli ia e tulai mai, e pei e agai muamua mai fai ona toe o lea e tausaili ni mea e fai ai galuega. Ae a fai lava e faatino agai i tatou malioga ia na faatino, o lona uiga o le tulaga lena e i ai, o lea foi ua i ai le taimi faatulagaina e mafai ona faatino ai vaega ia.

FOFOGA FETALAI: Tulai mai le faaulavea a le Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaosi: Lau Afioga i le Fofoga Fetalai, e 14 le aofai o kamupani ia e folafola mai mea ia, a o le 14 lea, o lea e tau taofiofi atu foi lele aua o lea e manao uma latou e mafai lava e le toatasi ona fai uma lava ituaiga tele o le eletise lea e moomia e Samoa. O le mea la lea e taumafai ai le Minisita ma le Vaega lea o lo o vaaia mea tau eletise, e faasoosoa i le 14 lea ia pau mai nisi ae o la e omai le isi vaega, a o le toatele lava la o kamupani nei mai Saina lea e behind ai i le tele o mea ia.

20 IANUARI 2015

Tulafono Tau Faaofi o le Faatauraina o Tupe Faapoopo (Nu.J)
 2014/2015 – felafolafoaiga i luga o le faitauga faalua

O lea la e vaavaai atu, o lea ua telelave lava le alu o mea ia ua faatino nei, a o lea faatoa ou tei ina ua ou faalogo atu, afai loa e tuai lau kamupani, o le a fai ia Palu e alu loa e aumai ni ana ia foi Saina.

Afioga Hon Palusalue Faapo II: Lau Afioga i le Fofoga Fetalai o se mea e...

FOFOGA FETALAI: Se ou te ofo i lou amanaia o lea tulaga.

Afioga Hon Palusalue Faapo II: Leai o lea ou te fesili i le sui usufono o lea e saunua nei.

FOFOGA FETALAI: Tulai mai le Taitai o le Itu Agai.

Afioga Hon Palusalue Faapo II: O lea ua ou vaai atu nei, a leai se isi o lenei Itu, e le faagaioia mea ia. O le ala foi lena o lea ou te tulai atu ai. O sui o le Tautua, e naunau ia fai le eletise mo le atunuu, aua a le faia e le Tautua, e le vave.

FOFOGA FETALAI: Tulai mai lau Afioga i le Palenia.

Susuga Hon Tuliapapa Fatialofa Lupesolilai Aiono Neiotti Saliela Mallelegaosi: Lau Afioga i le Fofoga Fetalai, o le mea e fia faasao, o le tama lea o Le va o... e uso lelei lava ma le tama lea o Muagutu. O laua ia e ana le kamupani lea. O le mea lena o lea ou te fai atu ai, aua o latou nei sa i tua lava sa fai a latou pisinisi, o tagata faipisinisi lelei tele. O le mea lena ou te fai atu ai, a tuai mai lua kamupani nei mai Saina, na pau lava le mea e vave ai, o le a ou fautaina loa Palu e alu foi ia e aumai sana kamupani aua o le isi foi faipisinisi ma oae lea, lea e le o faaalua i luma.

FOFOGA FETALAI: Tulai mai le sui usufono e faaauu le saunoaga. Ia, malele ia le sui usufono se i tulai mai Muagututagata.

Afioga Muagututagata Faamausili Aumatagi Peter Ah Him: Mo le faasaoina o le saunoaga a le Afioga i le Palenia, e leai ua leva lava ona leai ni au Saina. O le faasaoaga lena, faafetai tele.

FOFOGA FETALAI: O ai ua aveau au Saina Muagutu?

Afioga Muagututagata Faamausili Aumatagi Peter Ah Him: O Saina ia e uma ane lava ua toe tafefea Saina.

FOFOGA FETALAI: Ia tulai mai le sui usufono mo Saleaula e faaauu le saunoaga.

**Tulafono Tau Faaofi o le Faatauinia o Tupe Faaopoopo (Nu.1)
2014/2015 – felafolafoaiga i luga o le faitauga faalua**

Tofa LEVAOPOLO TALATONU: Faafetai. E leai e le o se isi lava itu na avatu ai sau faamatalaga, o lea ua maua tonu mai lava e le Afioga i le Palemia le tulaga lea e tau avatu. O le mea moni lava, o lea e taofi e le isi lima kamupani lea le avanoa, a o le tele ia o nai isi kamupani lea e fia omai e fai so latou sao ma tufatufa atu foi i ai tulaga uma ia. O le tulaga lea sa taua e le Afioga i le Minisita e fa masina, e sao lelei, e fa masina e fai ai le installation, e fa i le ono. A o isi masina ia ou te tauina atu i le faiga o le processing, e fai lava sina umi. Ma o le agaga atoa, o le taumafai e fai loa se gaioiga foi lea faavaveave ia oo atu i le 2017 ua meet e tatou le mea lea tatou te tilotilo i ai.

O le isi vaega, sa ou matamata i le Scale System a le EPC lea e i Fuluasou, ou te iloa a e agai i ai lau Afioga i le Minista ona e talitonu lea i lau faamatalaga lea e fai atu, o lena e monitor i ina le 2.2 megawatts lea na fai e Niu Sila. Sa ou alu atu i ai i le vaiaso lea na tea nei toeititi lava ta le 12.00, na la mai lava i le 7.00 i le taeao toeititi lava ta le 12.00, toeititi lava le maua se megawatt se tasi. O le isi lena vaega e tau ina avatu sau fautuaga i le silasila i kamupani lea e omai e fai tatou solar system, ia mautinoa latou te aumai le solar panel, e talafeauga, the best quality. E mafua ona ou fai atu i le vaega lea, ona o le tele ia o le sao o le tatou Malo ma le tatou atunuu lea e fesoasoani ai i mea ia. O mea ia ina ia mautinoa e talafeagai le tatou fesoasoani ma faaaga lelei le tatou fesoasoani i atinae. Aua o lea tatou te tofogia, e leai se tiute, o mea uma na, o le tofogia o lisi e fai ai, o lea ua ou faamanatu atu i lau Afioga i le Minisita, se i silasila e tele lava le tatou sao ma tupe ia e fesoasoani ai. Ae ua tau mai lava i le mea lea na ou talanoa atu ai, e 2 megawatt le mea atoa na fai ae read mai e le EPC, e le atoa se megawatt ae ua ta le 12.00 i le aoauli. A mei atu foi i luga na o le 1.2, 1.3, e le o aumai atoa e le solar panel le 2 megawatts. O le faaletonu la lena i le mea na aumai e le panel. O si au faaopoopo atu lena e soso atu i le tulaga o tatou atinae. Ou te iloa na o le pau lea o se lauga a lenei itumalo, e momoli atu le agaga faafetai i lau Afioga i le Fofoga Fetalai, manuia foi le Palemene i lenei aso.

FOFOGA FETALAI: Malo faafetai saunua i le sui usufono mo Gagaemauga Nu. 2 mo lou sao taua i le tatou Tala o le Tupe i lenei vaega o le aso. Ia o le a muliai tuleiga ma saunouaga o lenei aso i le sui usufono mo Palauli, tulai mai le sui usufono.

Afioga AFOAFOUVALE JOHN MOORS (Palauli): E faatulou atu i Lana Afioga Mamalu, O Le Ao o le Malo faapea foi le Sui o le Fono a Sui Tofia, lau Afioga i le Faamasino Sili ma le vasega o alii Faamasino o le Faamasinoga, aemaise le faafogafogaaga a lo tatou atunuu pele o Samoa.

Ou te faafeiloai atu foi i lau Afioga i le Fofoga Fetalai, aemaise lau Afioga i le Taitai o le Malo lau Afioga i le Palemia, ae a sui usufono uma o le Maota nei. O outou paia o le faataaloto ia, ae taatia atu i mauga sa, ona e leai lava se vave e na te toe sailiili pe sagolegole o paia lava e tumau seia oo i le faavavau, tulou.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafolaiga i luga o le faitauga faafua**

Ae tau lava ina ou faapai atu isi ou itumalo pele o lo o faapea ona faafofoga mai i le Fonoustu a Samoa, i le afio o Paasisina faapea foi Sa Liliomaiaava, alaalatai Sa Faleletaua na potopoto, aua Palauli ma lona Ilu, o le Pule. E le faagaloina la outou tapuiaiga o Faafegaiga Taulagi o lo o faapea ona faanomamau isi o matou itumalo, aua le tausauina o le Upu o le Ola, faafetai mo a outou talosaga faifaipa. E talitonu le agaga, o le ala lea ua ala ai ona manuia le usugafono a Palauli.

Ou te faafetai atu i le Afiofa i le Minisitia po o le Afiofa foi i le Palemia ma le Matagaluega e tusa foi ma lenei Tulafono Tau Faaofi, ia o lena ua maea ona agiga foi i le Maota nei e tele galuega o lo o faapea ona moomoo i ai le Malo aua le faaalualu i luma o le Faigamalo aemaise e manuia ai tagatanuu o le tatou atunuu, peitai ane, e utiuti le seleni. E i ai le talitonuga, o le a faapea ona ulimasao le faamoemoega o lo o faapea ona faaatatitia mai totonu o le tatou Tala o le Tupe o lenei tausaga se i oo atu ia Iuni o le ogatoronu o le tausaga nei.

E fia faaali foi le agaga faafetai o lenei sui usufono i le Malo tele o Iapani ma ona tagatanuu. O lea ua maea nei ona taatia atu i le Ofisa o le Amapasa o Iapani se talosaga a lenei itumalo aua se faleaoga, ona o lea ua suia foi faiga sa faapea ona faaatatitia e le Malo aua ia ituaiga polokalame faapea, o lea na ala ai ona uia loa le Ofisa o le Amapasa o Iapani, ma ua faapea ona maea ona tuuina atu faamaumauga uma o lo o faapea ona finagalo i ai latou – ma o lo o talia nei se tala, e le taumate o se tala fiafia.

Ona ou toe fia laga ai lea o se talosaga faapea ona mavae ona taatia atu i le Matagaluega o Aoga, ona o se matae taalo isi o matou nuu o Faala, pe a ma le lua tausaga nei talu ona tuuina atu se talosaga e toe asia ai lea talosaga, e valuvavusia ai aa o le fau i lau Afiofa i le Minisitia, o le a sau silasila i ai i se taimi talafeagai. E le gata i lea o le Afiofa i le Minisitia mo Galuega, Felauaiga ma Atinae Eesese i le talosaga sa faapea ona tuuina atu, se i silasila ane i auala galue, ua leva ona i ai auala galue o lou nuu i Vaitoomuli, ae toe lava ina faata ona ua fai sina leva ona le toe faataina pe toe teuteuina, ia o le ala lea ua toe valuvavusia ai aa o le fau i lau Afiofa i le Minisitia, pe le i ai se finagalo e toe asia ia ma toe tuutuu laifiti atu i uta. Ae a foi le auala galue o lo o faapea ona faaogaina e le Malo i lo matou nuu i Vailoa, e i ai taimi e faaletonu ai lea auala, ae pei ona toe faataina ma faaleleia aua foi le auauunaga a le Pulega o le Suavai o lo o faapena ona faaoga atu e uta ai auala ina ia mafai ona oo atu i Aseta a le Malo o lo o faaatatitia i tuafale.

A o le i faamuta se tala, ia e ao lava ona ou faapai atu i lau Afiofa Leituala ona ua lagia foi le maota i puloutou aua le tuua o le malo i le Aloalii ia Tupua, faamaise atu le agaga o le Afifi i lo tatou aiga aua le feagai ai ma lea faamoemoe.

Lau Afiofa i le Pofoga Fetalai, e pau lea o se tala a Palauli, ia manuia lau Afiofa, ia manuia sui usufono uma o le Fono, faafetai.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafalafaiga i luga o le faitauga faalua**

FOFOGA FETALAI: Ia malo saunoo i le sui usufono mamalu, e manatu o lea ua....le faafogaaga a lo tatou Maota, o lo o i ai pea le tatou lima minute, e lelei foi le faaii maea i le aso ae tatala maea a taeco.

Ia tulai maia se tasi o sui usufono mamalu o le Palota Taitoatasi lau Afioga Maualaivao Pat Ah Him, tulai maia e faaiiui maia le saunoaga ia ma saunia maia e oe se tatou tatalo e faaii ai le tatou Fono.

Afioga MAUALAIVAO PAT AH HIM (Palota Taitoatasi): Faafetai i lau Afioga i le Fofoga Fetalai mo le avanoa, ou te talitonu lava o lea e fetaii lava minute ia e totoe ma si ou manatu laitiiti lea e fia momoli atu.

Ae muamua ona faafetai atu i le tapuaiga mamalu a Lana Afioga Mamalu, O Le Ao o le Malo aemaise foi o le tatou atunuu o lo o faafogaaga mai i le Fonousu a Samoa. Ma o lenei foi itula e talitonu lava e manaia le felafalafaiga i lenei taeco i lau faalogologo, e tele lava ina, o si au tamai tala lea ona faatoa fai ai lea o lou manatu, o lau faalogologo ia o Saina, o Saina o Saina lava lea ua lau mai foi e aumai foi e le la vaega ia ma nisi e toatele. Ia sa fesili mai le Amapasa o Saina ia te au, o le a le mea e tau soo ai le suafia lea o Saina i inei i le Maota? Ona ou fai atu lea i ai, malie lau Afioga e le o se mea leaga, ae taua ia ona o le tele o le sao o le Malo o Saina ia Samoa lea e ala ai ona....ua lauiloa ma... ia ae saunoo mai le Amapasa, ae o le a ea le mea e fai ma fasi soo ai nai isi Saina i le matou faalogologo atu? Ona ou fai atu lea i ai, e ala ona tupu le mea lena o le galue o le Saina faasoloatoa ae le malolo, ia fai mai lea, oi sole, ia lea ia o le a ou fautua i ai e fai ma malolo, ona e fiu lava e tatai atu i galuega e le fia malolo nei ituaiga tagata.

Ae ui i lea lau Afioga i le Fofoga Fetalai, e faamalo atu faafetai i lenei aso i le tatou Fono. O le mea muamua ou te faafetai atu i le Minisita mo Leoleo ma Falepuipui, ona o le mea e faafetai ai e tasi lava le agaga. I le matou faalogologo ma le matou matau i lenei vaiata i le Matagaluga, o lona taua, ua agai so o se amio po o se aga a se malu o le Malo po o se alii leoleo e talafeagai pe e le talafeagai foi, ua matou matauina pea le sailiili ma suesue ina ia maua le sao ma le tonu. E lagona ai foi la e le atunuu ma le saogalemua o le fiafia aua e lagona ai le secure o le taua o le puipuiga ma le saogalemua o le tatou atunuu e le o malamalama tele i mea tau Tulafono, ae faafetai mo galuega lelei aemaise foi o galuega e tele i luga o le auala o lo o feagai ma tatou malu o le tatou Malo. E i ai foi faafitauli e vili ai pea i matou nei e tusa ai ma ni mea o tutupu, ia e vave lava ona oo mai le fesoasoani ma le auanaga, e faafetai ai i le Afioga i le Minisita i le tulaga lea.

E faapea foi ona matou faafetai atu i le Afioga i le Minisita mo Galuega, Felauaiga ma Atinae Eseeesi e le tele o auala ma galuega lelei ua faatinoina i le matou matau, e moni lava e i ai foi nai isi lau Afioga i le Minisita, ia o lo o totoe lava nai galuega o auala i lo matou itumalo, e talosaga atu pea ina ia faafeteia. E le tagisa, ae na ona tuituu atu pea i ou tafatafa i lau faasoa. E i ai le nuu lea o Alamagoto, o lo o i ai auala masalo e silafia e lau Afioga, faapea foi Vaitoloo aemaise le auala lea e i le pito mai agai i tafatafa o le pamu penisini.

20 JANUARI 2015

**Tulafono Tau Faaofu o le Faatatauina o Tupe Faaopopo (Nu.1)
2014/2015 – felafalafoaiga i luga o le faitaaga faata**

O Aleisa e faapena foi ma Moamoa, aemaise lava ia i i Palisi, ua matou matauina le le saogalemu, semeamanu le faateete o avetaavale i le agai atu lea i luga ma le sau i lalo i le vaapiapi o auala toe le lelei autafa e alo i ai ia taavale.

Ua matou soso atu i lau Afioaga i le Minisita mo Punaoa Faanatura ma le Siosiomaga, e faamalo i taligatu. E i ai lava sina tamal piconu lea i Vailiele i gatai i le fasi fanua lea e i gatai o Taupouasa i le Mapuifagalele, o se vaega elele o le tatou atunuu o lo o nofoia nei e nisi o faifeau. Ua matou matau ua pei o lea e misi i le faasoa le fasimea lea ma matou atu, ua toetoe lava oo mai i le auala o lo o agai atu lava i ina i le mea o lo o i ai ia maota o faifeau i le aia i le sami, e le gata i le solo i le mea maualuga lea e i ai ia le maota o Taupouasa ma Mapuifagalele i Tama ma Tina matutua, a o lalo lava i le mea lea i le ogasami lea, ou te talitonu e mafai ona e silasila i ai lau Afioaga i le Minisita ina ia mafai ona faaleleia. O se vaega o le tauilaga ma o se vaega foi na ona matou tuualalo atu ma faamanatu atu.

Ou te faafetai foi i le Afioaga i le Minisita mo Aoga, Taaloga ma Aganuu, ua mana le faamalamalama lelei lava lea, e ala ona ou faafetai i ai, o le faiga o lo o fai ai ia aoga i nuu i tua faapea foi Apia, ua le faapito manu ia Tasi i le Kolisi o Samoa ma Avele, ae ua matou talitonu, o le ola faatasi o fanua aoga i le malosi o mafaufau ma le vaivai o mafaufau, e faapena ona motivate faatasi ai ia... e lelei faatasi ai ia le aoga, aemaise lava ia students, o le taua lena ia te au, e le o faapitoe e moni le saunoga i le mea lea sa e saunoa ma e taua o le discrimination, o le mea lena o lo o taunafai pea tatou aua ne i off mai, a o lea la ua manaia i le matou faalogologo atu, faafetai faamalo i le tulaga lea.

Ou te faafetai foi i le tatou Malo e tusa ai ma fuafuaga o le tatou malae vaalele, masalo ua ou lauga soo tele i le malae vaalele, ona o le ainae lea o tagata tafafao maimoa mai fafo, e ese le malosi, a o le taimi lenei e le o atoatoa le malosi a o le taua ia isi o tatou Malo, o le malae vaalele o i e ulufale uma mai i ai tagata tafafao maimoa mai, ioe, e tatou te le faalagolago foi la i le faatoatele o tatou aiga fuafuaina, aisea? Tatou te faalagolago i le tele mai o tagata tafafao maimoa mai, o le foto lena o le moornia e lo tatou Malo i ni seleni se tele ina ia mafai ai ona ainae lo tatou atunuu.

FOFOGA FETALAI: Ou te vaelupeina le saunoga a le sui usufono mamalu, ona o lea ua tatou tannu tonu i le tatou taimi maloto, e avatu le agaga faafetai i le sui usufono o lo o saunoa nei ma e i ai le faanoemoe o le a faaauaina lau saunoga i le aso a taeao.

Ua faamauina o lea ua sefulutasi sui usufono ua maea ona saunoa i lenei aso, ma o se tulaga e momoli atu ai le faafetai tele a le Nofoa i le paia ma le mamalu o sui usufono uma o le tatou Maota ua maea ona fetalai ma tulet saunoa i lenei aso, faafetai i lo outou lavapapale aemaise o lo outou lagolagosua e ala i le tatou galuega. E i ai le agaga ma le faanoemoe o le a tulinatai lo tatou faanoemoe i le aso a taeao, ona faatu ai lea o le lafo e pei lava o tulaga masani.

**Tulafono Tau Faaofi o le Faatatauina o Tupe Faaopoopo (Nu.1)
2014/2015 – felafolafoaiga i luga o le faitauga faalua**

A o lenei taimi, e momoli atu le faafetai ma le faamalo i tulaga aloaia, malo le onosai malo le usufono ua malo foi le tapuai mai i nisi o sui usufono mamalu o lo o olioli mai e saunoa i se taimi o le aso a taeao.

E faapai atu foi i le tapuaiga a Samoa i ona tulaga faalupelupe, faafetai mo le tapuaiga i lenei aso. E i ai le faamoemoe o le a vavae foe o lenei aso, tatou sailiili malosi mo le Aso Fono a taeao. O le talitonuga o le a ave i ai lo outou soifua manuia.

E faapea foi le tapuaiga a tupu ma ee, o tamalii ma failauga i Faaululuga e le gata o Faalapotopotoga a le Malo aemaise o Kamupani eseese ua tatou mafuta i lenei aso ona o le tatou Tala Faatatau Faaopoopo (Nu.1) o le Tupe 2014/2015.

Ia tulai maia lau Afioga i se tasi o sui usufono mo le Palota Taitoatasi, Afioga Maualaivao Pat Ah Him e fai se tatou tatalo faatu e faamaea ai le tatou Fonotaga i lenei aso.

Na motusia Felafolafoaiga ina ua tolopo Taulalumaga a le Fono Aoa o i le itula e 1:04 i le aonai seta aulia le itula e 9:00 i le taeao o le Aso Lulu, 21 Ianuari 2015.